

Ta bay conmemora 200 aña di Oranjestad cu un celebracion historico pa Aruba



Pagina 3

- **Turistanan ta keda sinti molester di mal holor den area di Eagle Beach**

Pagina 2

- **Min. Husticia: Introduccion di “Wetboek van Straffordering” nobo no ta viola derechonan humano**

Pagina 4

- **Ryçond do Nascimento: Posicion riba lista di AVP “tabatin su prijs”**

Pagina 6

A sigui mira oilspill y awor ta cerca di Natural Bridge



Pagina 2



Reunion urgente cu lidernan Caribense mientras crisis violento na Haiti ta empeora

Pagina 23

Clean Air Everywhere ta menasa cu accion legal contra ley nobo di calidad di aire



Pagina 8

A sigui mira oilspill y awor ta cerca di Natural Bridge



Manera Crisis Management Office (CMO) a señala siman pasa, Aruba lo sigui experiencia cu mas oilspill na diferente area, debi na incidente di un barco cu a tuma luga na comienso di luna na Trinidad and Tobago. Sinembargo, esakinan ta bao monitoreo, segun CMO mes a sigura.

Den un post cu Brenchie's Lab a publica riba Facebook por a mira algun potret di dia 10 di maart ultimo cerca di Natural Bridge, unda ta ilustra marcanan di oilspill den e luga aki, loke a causa reaccion di algun usuario, preocupacion y hasta mal contento.

A puntra Rino Hermans kico tabata e situacion actual na Aruba pa loke ta trata e incidente aki, caminda el a sigura cu e situacion a estabilisa y ta normal na e momentonan aki. Tambe a bisa cu ta bon pa hendenan keda atento ora ta cana rond y informa CMO, pa motibo cu nan tin un databank cu den futuro cu Aruba lo haya un escenario igual nan por sa unda e teerbalnan a tuma luga.



Nan a pidi e funcionarionan encarga pa scout y tambe pueblo pa duna nan contribucion debi cu mas data nan ta recoge, miho nan por traha nan plan di responde cu menos costo y mas lihe nan por recupera e normalidad na Aruba.

Hermans a sigura cu Aruba ta bay sigui mira den proximo tres siman y nan no ta nifica un peliger, "pasobra en principio oilspill no mag di ta un crisis ambiental, e no mag di stroba e landando y tampoco mag di stroba e turtuganan di pone nan neishi na e beachnan, esey ta e plan di responde di Aruba cu nos ta aplica y door cu e teerballs ta minimo, nos tin DOW su grupo cu ta cana rond y ora ta posibel nan ta piki e teerbalnan manera nos a haci e fin di siman ultimo na ful e costa cu 15 hende cu a bay piki tur di nan," el a sigura.

Hermans tambe a declara cu Aruba ta custuma cu e teerbalnan door di Jamaica y Trinidad & Tobago cu tin un ruta di barconan petrolero cu si nan ta pump over board, a pesar cu e ta prohibi, Aruba ta afecta pa teerbalnan.

Den 2016 Aruba tambe a experiencia efectonan di oilspill despues tabatin e incidente na Amuay, Venezuela, den cual a monitoria cinco biaha pero door cu esey no a afecta Aruba, esey no a bay viral, pero nan si ta haya informacion door di tratado di Caribe (Centro Regional de Emergencia, Informacion y Capacitacion pa loke ta trata Contaminacion Marina – Caribe Rac-Rempeitc Caribe) e cual ta coordina oilspill y nan ta notifica e instancianan concerni, den caso aki CMO.

Potretnan ta di Brenchie's Lab su Facebook Page.



Turistanan ta keda sinti molester di mal holor den area di Eagle Beach



Recientemente ariba e pagina popular di Facebook na unda turistanan ta haci pregunta- y recomendacionnan tocante Aruba, usarionan a bolbe resalta e problema di mal holor pa motibo di e planta di tratamento di awa sushi, RWZI / Bubaliplas.

Manera ta conoci, e problema di mal holor ocasiona pa e planta di RWZI / Bubaliplas ta uno cu tin años ta causa molester den e area di Eagle Beach y bisindario. Na mas di un ocasion turistanan a expresa nan frustracion y disgusto pa e situacion aki, specialmente esnan cu ta hospeda na e hotelnan den e area aki.

Recientemente un usuario a puntra ariba e pagina aki di Facebook kico ta pasando cu e mal holor den e area di Eagle Beach, y pa esaki, hopi otro usuario a reacciona y a expresa nan opinion den e seccion di comentario.

"E ta teribel! Mi ta asina tristo pa bisa cu mi no por a caba un cuminda. Di baina mi por core pasa den auto eybanda. Ta un area chikito, pero por Dios, e ta un di e holornan mas malo cu tin! Nos ta aki awor... Mi ta di acuerdo, check Barefoot e biaha aki... laga Passions pa un miho dia," un usuario a comenta.

Otro a resalta cu e construccion durante tur e añanan ta loke ta pone presion ariba e planta di RWZI y locual ta ocasion e mal holor, ya cu e planta no por procesa e cantidad di awa sushi cu ta yega. Durante añanan, tin basta construccion a tuma lugar den e area, y e planta di tratamento di awa no por maneha e cantidad di awa cu mester procesa.

Pero di otro banda, tin turistanan cu ta comenta cu nan experiencia no ta inclui keho di ningun mal holor, aunke nan a keda den hotelnan of a come na restaurantnan den e area cu sa sinti e holo mas fuerte.

E ta depende di e dia y den ki direccion e biento ta supla, pero no por nenga cu e situacion ta laga un mal impresion y ta afecta e vakantie di e turistanan cu ta bin Aruba pa disfruta di e producto turistico optimal.



Ta bay conmemora 200 aña di Oranjestad cu un celebracion historico pa Aruba

Ayera atardi na Renaissance Convention Center a tuma luga Stakeholders Meeting organisa pa Stichting Rancho, Stichting Monumentenfonds Aruba, ATA, entre otro instancia, na unda a haci un invitacion na diferente organizacion y comerciantenan di Aruba pa informa riba e plannan cu tin pa e celebracion di 200 aña di Oranjestad.

Anne Witsenburg, director di Stichting Monumentenfonds, a conta cu nan a uni na e iniciativa aki di Stichting Rancho unda e plannan ta encera dos evento grandi y un evento protocolar. Ademas nan ta ofrece un plataforma pa cada un di esnan cu kier tuma e iniciativa pa uni na nan y comparti ideanan pa loke ta trata e celebracion aki cu ta bay dura un aña largo pa asina por duna un oportunidad na esnan cu kier participa.

Ta bay tin un evento pa dia 24 di augustus di e aña aki, cual ta un fecha significativo unda probablemente Oranjestad a haya su nomber 200 aña pasa, segun Witsenburg a bisa. E dia ey nan tin e idea pa organisa un actividad ceremonial, durante cual tin pensa di planta 200 mata. Ademas nan kier elabora un moneda conmemorativo pa celebra 200 aña di Oranjestad. Esaki ta proyectonan cu a presenta caba na Consejo di Minister.

Pa loke ta trata e moneda conmemorativo, esey tambe a tuma luga ora Oranjestad a cumpli 110 aña. Pa nan ta importante pa tuma esaki na cuenta e biaha aki, pero ta algo cu ta tuma su tempo y mester tin su proceso, manera e diseño y e decreto ministerial.

Igualmente e informa cu pa e aña aki nan ta bay organisa un feria grandi den distrito Oranjestad, especificamente na Caya Grandi, cual ta bay ta un feria cu 200 tent di diferente mercado y negoshinan tambe por participa den e feria aki, manera nan a sigura. E dia ey lo tin 4 stage den full e area pa asina tin henter un fluho den e distrito.

Durante aña tambe ta bay tuma luga otro eventonan cu diferente organisacionnan ta haci caba y ta bay cay tambe den e tema di celebracion di 200 aña di Oranjestad. Pa 24 di augustus, pero di aña 2025,



nan ta bay cera e lista di actividadnan cu un concierto grandi gratis riba lama den Schoenerhaven, unda lo tin un show cu drone pa asina mantene e linea di sostenibilidad hunto cu e historia di Oranjestad, pa henter Aruba por disfruta di dje. “Esaki ta unico luga na Oranjestad unda bo por haya hopi hende riba boto, riba e cant’i lama y e ta e luga unda eigenlijk Oranjestad a origina,” Witsenburg a sigura.

Pa esaki, el a bisa cu na Hulanda a tuma luga un concierto manera esaki cu nan kier realisa y nan ta hayando

reaccion di instancianan di Hulanda mes pa por haciela na Aruba tambe. “Nos tin mas cu un aña pa prepara pa cu esaki, pasobra esaki ta bay ta e evento cu ta e clausura di full e aña di celebracionnan di Oranjestad. E idea ta pa nos pone un stage riba awa, unda hende por drenta cu boto y hende tambe por sinta full rond di e area unda lo tin varios screen grandi pa por sigui cu e programa. Nos target group ta Aruba henter y ta algo pa nos celebra, organisa y celebra hunto tambe,” Witsenburg a comenta.

Anteriormente, nan a yega

di reuni cu un grupo chikito mirando cu tin hopi iniciativa y nan ta pensando con por hinca tur esey den otro y con nan por yuda, pa motibo cu ta un celebracion pa Aruba henter y solamente cu un bon cooperacion di un y tur nan por logra haya un fiesta grandi.

Na mei 2023, Stichting Rancho a tene un conferencia di prensa riba e topico aki y tambe a haci un simposio pa trece dilanti e puntonan di atencion cu mester trata den area aki. Mirando cu ta bay cumpli 200 aña, mester ta adecua pa e eventonan den


planning, como por ehemplo, maneho di desperdicio.

Den e simposio a documenta informacion y tambe a haci diferente workshop. Den esaki, Rosa a bisa cu tin e parti historico, pero e ora ey ta haci trabaonan pa evalua tambe kico lo ta e futuro di e fundacion den e contexto di 200 aña di Oranjestad, na unda nan a scoge cinco tema como di seguridad alimentario, desaroyo sostenibel, maneho di desperdicio, Turismo y Eco System, mantencion di herencia.

Ademas, nan a reuni cu Aruba Tourism Authority (ATA) ken ta un partner masha grandi den e proceso aki y tambe cu e inversionistanan cu ta activo na Wilhelminastraat.

Tin un plataforma riba rednan social tocante 200 aña di Oranjestad unda nan lo publica e actividadnan, den esaki Witsenburg a informa cu cada un di e plannan mester ta desaroya cu nan planning, su presupuesto, su historico y despues cada actividad ta bay haya su grupo di trabou pa asina realisa tur e plan cu nan tin pensa pa haci y busca pa fondonan.

Witsenburg a señala cu nan mester di cooperacion pa motibo cu nan so no por logra tur loke kier realisa, pa e motibo ey si algun hende tin un idea of iniciativa cu por coopera cu e actividad di e celebracion di 200 aña di Oranjestad por tuma contacto cu nan riba e plataformanan di rednan social “200 aña di Oranjestad”.



Minister di Husticia ta ratifica cu introduccion di “Wetboek van Strafordering” nobo no ta viola derechonan humano

Siman pasa dialuna, Parlamento di Aruba a aproba e introduccion di e “Wetboek van Strafordering” nobo, cual ta drenta na vigor dia 1 di april binidero. En conexion cu esaki minister di Husticia y Asuntonan Social, Rocco Tjon, a tene un conferencia di prensa ayera mainta pa elabora ariba e cambionan cu e “Wetboek van Strafordering” nobo ta trece cune.

Manera ya caba minister Tjon a indica na varios ocasion, e “Wetboek van Strafordering” nobo ta percura pa Ministerio Publico y e organisacionnan cu ta haci investigacion tin mas autoridad pa nan por combati criminalidad mas eficaz y eficientemente, pero na mesun momento e cambionan ta garantisar mas derecho pa e detenidonan y mas derecho pa victimanan.

El a splica cu for di 2013 nan ta trahando riba e wetboek aki y el a indica cu un di e prome decisionnan cu el a tuma como mandatario encarga cu e cartera aki den e prome justicieel vierlandenoverleg ta pa percura pa Aruba introduci e wetboek aki y asina Aruba ta prome den reino Hulandes cu ta bay introduci esaki.

E mandatario a sigui splica cu e prome stap cu nan a tuma pa introduccion di e wetboek nobo tabata cera un acuerdo cu sra. Monique Mos, ken tabata e persona encarga cu e Wetboek van Strafordering na Hulanda y Sra. Mos a traha un plan di ehecucion pa Aruba ariba con mester introduci esaki.

A base di esey, e minister a indica, a instala un stuurgroep (comite directivo) cu ta consisti di Ministerio Publico, Corte, ministerio di Husticia y Asuntonan Social, Stichting Reclustering, Departamento di Asuntonan Social, KIA, Landsrecherche, Koningklijke Marechaussee, CEA y



tambe a introduci dos werkgroep (comite di trabao), uno especificamente pa e parti di voorlopige hechtenis (custodia temporal) y e comite aki tabata consisti di Ministerio Publico, Corte, Cuerpo Policial, ministerio di Husticia y Asuntonan Social, Stichting Reclustering, Departamento di Asuntonan Social, KIA, Landsrecherche, Koningklijke Marechaussee, CEA y

Orde van Advocaten.

Banda di esey, e otro comite di trabao cu tabatin, cual ta esun pa derechonan di victimanan, tabata consisti di Ministerio Publico, Corte, Cuerpo Policial, ministerio di Husticia y Asuntonan Social, Family Justice Center y Orde van Advocaten.

Pa loke ta e cambionan cu e wetboek nobo ta bin cune, minister Tjon a indica cu e cambionan aki ta nifica na prome luga ta bay garantisar mas derecho pa e victimanan. El a splica cu a base di e cambionan aki e victimanan aworaki por tuma nota di e documentonan cu ta wordo trata durante un caso penal, caminda antes esaki no tabata e caso. Aworaki e victima mag di wak e “processtukken”, cual segun el a señala, ta algo

hopi importante pa e victima.

El a agrega cu banda di esey e victima mes por vocifera durante un caso kico e ta sinti, kico e ta pensa, etc. y pa loke ta trata e compensacion pa daño, el a indica cu actualmente esaki ta limita na 50 mil florin, pero cu e cambionan nobo, aworaki esaki no tin limite mas.

Pa loke ta trata e victimanan, como e detenidonan, minister Tjon a splica cu ta bay introduci “snelrecht zittingen” (audiencia di huicio sumario). Aworaki a traves di e introduccion di e proceso aki, cu ta a base di palabracionnan cu a wordo haci caba entre Ministerio Publico y Corte, un persona cu ta deteni por ehemplo pa posesion di arma, bringa riba caya, menasa, destruccion, entre otro, si e caso

ta un caso simpel, e custodia temporal ta wordo aproba pasobra e ta un caso simpel y por wordo finalisa dentro di e terminonan y e caso ta wordo presenta mesora dilanti un hues pa un decision por wordo tuma mas lihe.

Otro cambionan cu ta tambe lo drenta na vigor cu e “Wetboek van Strafordering” nobo ta cu tur e interrogacionnan pa loke ta e custodia temporal mester wordo graba, esaki pa garantisar mas integridad di cada investigacion. Y manera ya caba menciona, e instancianan encarga cu investigacionnan ta bay haya mas autoridad pa nan por combati criminalidad.

Minister Tjon a accentua cu tur e cambionan cu a wordo treci pa dilanti durante e tratamento di e ley a base di e nota di cambio tabata a base di consehonan cu nan ricibi for di Corte Comun y el a subraya cu na mesun momento tambe tur stakeholders den e cadena tabata na altura di esaki.

“Kinan no ta trata di viola derechonan humano si no mas bien e ley existente cu ta reglamenta e parti aki ta keda na vigor, te ora cu por bay duna contenido na e recomendacionnan cu ta regla e alternatieve voorzieningen (instalacionnan alternativo),” el a subraya.

Pa loke ta e carta cu Orde van Advocaten a manda e dia di tratamento di e ley aki, minister Tjon a splica cu punto di e custodia temporal a wordo discuti dia 13 di december 2023. El a señala cu Orde van Advocaten tabata na altura cu lo introduci e cambionan aki y e mesun punto a bolbe bin dilanti den e reunion di 17 di januari, unda e comite di trabao di custodia temporal a bolbe reuni y, segun e mandatario ta remarca, Orde van Advocaten tabata presente durante e reunionnan aki y ta forma parti di comision.

“P’esey mes mi ta haya hopi straño cu despues cu nos a entrega e nota di cambio 27 di februari no tabatin niun reaccion ainda, si no mas bien e mainta cu ta bay trata e ley aki un carta di Orde van Advocaten ta bin y ta haci como si fuera nos ta bay viola derechonan humano etc.,” minister Tjon a resalta.



Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
 Angenette Figueroe (closer editor)
 Leo Maduro
 Andreina Morillo
 Raisa Montilla
 Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Associated Press
 Ret Karibense
 Data Key

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800
 Email: noticia@bondia.com
 aviso@bondia.com
 info@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Gobierno no ta mind... Otro ola di migracion...?

Aunke nos a dedica bastante atencion na e tema aki, nos ta sinti e necesidad pa reacciona despues di e alarma cu fundacion ABC a laga zona. Nos por comparti nan preocupacion pa e efectonan poblacional y demografico cu e aumento di acomodacion turistico lo causa pa nos isla, cu ta bastante devastador, pero e problemanan ta mas amplio cu esey. Nos mester busca kico por ta e motibo cu gobierno no ta toca e asunto aki.

Primeramente, e cifranan clave den e debate. Esakinan ta tuma na cuenta solamente e cifranan oficial cu Censo y Oficina Central di Estadistica (CBS) ta maneha, cu ta alrededor di 108.000 persona na e momento aki. Pero mester conta acerca sigur 15.000 pa 20.000 migrante Venezolano indocumenta, aunke tin calculacion mas halto ainda cu ta bay te 25.000. Riba esey mester conta tambe e otro indocumentadonan di otro pais, cu por yega sigur na otro 5.000 mas. Di e manera aki anto, nos ta pasando di e cifranan di poblacion cu ABC ta teme cu nos lo alcanza, si e ola di importacion di trahador stranhero pa satisface mercado laboral, tuma lugar den e proximo añanan. Kico esaki ta implica?

Cu si nos no ta resolve e problema di e migrantenan en general, y di e Venezolanonan en particular, con nos por deal di un forma planifica cu e problema di importacion di trahador pa nos economia? Nos no por simplemente ignora cu tin un forza laboral considerable na nos pais caba, cu ta visible pa tur hende menos pa nos autoridadnan...

Ki plan gobierno tin?

Den tur e discusion aki, loke ta haci falta ta un splicacion amplio y contundente di banda gubernamental. Al contrario, loke nos por, casi scucha, ta un silencio preocupante. Esey ta obliga nos haci e siguiente pregunta: Gobierno tin si of no, un contesta satisfactorio? E promer alternativa ta cu no tin un respuesta, loke ta sumamente grave pasobra lo mester reconoce cu mientras nos ta enfrentando un di e problemanan demografico mas serio den nos historia, nos mester yega na e conclusion cu no tin un maneho ni bon pensa, mucho menos aplica y menos ainda publica. Den e situacion aki lo ta absolutamente necesario pa cuminza traha riba tal maneho, aunke nos ta laat den e proceso y e crimen di demasiado acomodacion turistico a tuma lugar caba y mester enfrenta e problemanan cu ta e consecuencia.

E otro posibilidad ta cu na nivel gubernamental ya a tuma, sin bisa nos, e decision cu nan no ta preocupa pa un siguiente ola di migracion, pasobra banda di e efectonan negativo, e ta yuda, segun nan, resolve algun otro problema cu nos pais tin actualmente. Kico ta e caso?

Contemplando e problema di un poblacion di edad avanza cu mester bay mantene, plus e hecho cu tin cada vez menos mucha ta nace, te na e grado cu nos no tin crecemento natural mas, e opcion ta pa laga miles di trahador extra drenta, cu ta bay trece extra ingreso aden pa AZV y AOV, ademas di otro impuesto pa gobierno. Esaki lo yuda pospone e problema a corto y mediano plazo di e aumento di persona di edad avanza y escasez di hoben local pa traha, pero a largo plazo ta crea un problema mas grandi ainda pa Aruba despues. Por ta cu nan ta pensa cu 'kicking the can down the road' en todo caso nan ta salba e situacion precario awor, resolviendo e situacion di escasez laboral actual y yena e cahanan di AZV y AOV cu fondo fresco, 'matando dos pahra cu un solo tiro'? Si esey ta asina, kico ta e consecucionan a largo plazo? Uno ta cu nos poblacion, cu ta acercando e punto caba unda e poblacion local ta bira un minoria den nan propio cas, lo no solamente bira e minoria ey, sino cu e gran mayoria di stranhero lo ta di origen Venezolano. Y kico ey anto ta e problema? E problema no ta e hendenan riba nan mes; e problema ta e regimen hostile, pa su ciudadanonan y pa nos, cu lo mira como algo positivo cu tin un mayoria poblacional di descendencia Venezolano na Aruba. Esey ta crea e base pa algun dia, proclama deseo di crea un union cu e republica di Venezuela. Esun cu ta kere cu e perspectiva aki ta algo di locura, djis contempla e siguiente hechonan. Desde implantacion di e regimen Chavista, cu tin casi 25 aña na poder, nos a mira e grupo di inmigrante cambia, di Colombia como pais mas contribuidor di migrante, pa Venezuela. Ojo: nos ta papiando aki di inmigrante legal. Riba esey mester conta e diezmiles di asina yama 'refugiado' Venezolano, cu lo haya status legal, cu vista riba naturalisacion a mas largo plazo, pasobra no tin perspectiva pa nan bolbe nan pais pa basta tempo. Si ta opta pa trece mas hende di exterior, tin dos pregunta: Uno, ki maneho lo tin pa scoge pais di prioridad? Venezuela, Colombia, o ta laga 'casualidad dicide', manera den pasado? Dos: nos ta keda importa hende di e mesun manera desordena cu nos a mira pa 30 aña caba, y keda reproduci corrupcion y mal maneho, simplemente aceptando esun cu a logra yega aki? Nos por laga cera un ministro o director de vez en cuando, pero esey ta yuda?

Finalmente, lo ta interesante pa conoce posicion di gobierno Hulandes den e asunto aki. Ta nan ta fiha maneho encuanto nacionalidad y naturalizacion den Reino Hulandes. Nan no kier tin nada di bisa den e proceso aki, cu por 'regala' nan diezmiles di ciudadano Hulandes nobo?

*Paso historico pa sector agricola:***Qredits hunto cu Gobierno di Aruba ta lansa Agrifund**

Aruba su sector di agricola ta unico den e simpel hecho cu nos ta enfrenta diferente desafionan. Pa cunukeronan, e retonan pa cuminsa un negoshi di agricultura ta varia di clima, tereno, conocemento, financiamiento y costo di produccion.

Sin embargo, Aruba su hendenan ta mas unico ainda. For di sistema hidroponico te cu agroforesteria sintropico, Aruba su agricultornan ta liderando cu metodonan cu por defini e futuro di cultivo den regionan cu tambe ta enfrenta desafio di por ehempel clima.

Dialuna durante conferencia di prensa, Minister Ursell Arends y Minister Geoffrey Wever, hunto cu Sra. Nathaly Harms di Qredits Aruba a lansa oficialmente e Agrifund. A traves di Qredits Aruba, agricultornan por aplica pa financiamiento na un interes reduci di 2% pa sumanan entre Afl. 5.000 te cu Afl. 200.00. Den e forma aki ta facilita e proceso pa agricultornan por sigui desaroya y brinda producto riba mercado local.

Di parti di Gobierno di Aruba, inauguracion di e Agrifund ta un paso historico y ta refleha e compromiso firme pa fortalece e sector agricola. Agrifund ta simbolisa cumplimento cu no solamente agricultornan diligente pero tambe cu tur ciudadano door di promove e vision pa haci siguridad di alimentacion un realidad concreto.

Presente tabata Sr. Rendell de Kort kende a elabora riba e investigacion cu e la conduci riba siguridad di alimentacion na Aruba como consultant di World Bank. Un di e sugerencianan di e rapport a toca e parti financiero, cu awor ta wordo realisa den forma di e Agrifund. Tambe e Director di Aruba Agri Development Company N.V., Sr. Jeremy Croes a enfatisa e importancia di tin contacto directo cu nos agricultornan y tende di nan experiencia y sigur nan sugerencianan pa mehora sector primario.

Segun Minister Arends e siguiente paso den e vision ta e certificacion di Good Agricultural Practices(GAP).



GAP lo sigura calidad den produccion agricola, atendiendo cu preocupacionnan di consumidor tocante salud y sostenibilidad ambiental.

Minister Arends ta termina gradicendo Sra. Nathaly Harms y su ekipo di Qredits Aruba pa nan colaboracion pa cumpli cu e vision di Agrifund. Qredits nan dedicacion y ex-

perticio tabata instrumental den e realizacion di Agrifund.

"Cu un vision comparti pa haci di sector primario un pilar economico nobo ta pone cu awe den union, nos ta cumpli cu e agricultornan na bienestar di nos comunidad. Hunto nos ta cosecha futuro" — Minister Ursell Arends



A traves di un comunicado di prensa, parlamentario independiente Ryçon do Nascimento a comenta riba e situacion di su ex-colega di partido, Gerlien Croes.

Ryçon y Gerlien a drenta e filanan di partido AVP destina pa bira lideran prominente di e partido. Na 2021 partido a duna ambos politico un number halto riba su lista di candidato. Di e forma aki, AVP a prepara caminda pa un carera politico largo pa nan cu perspectiva sigur pa bira minister. Pero, e posicionnan 5 y 4 riba e lista tabatin su prijs. Tiki tiki AVP tabata spera mas di Ryçon y Gerlien pa nan sostene sistema di patronahe politico.

"Poco poco AVP tabata kier mas hustificacion di ex-ministernan Paul Croes y Benny Sevinger. Mientras tanto AVP tabata gaña mas y mas encuanto e sentencianan, e soborno y e fixnan corrupto. Tur hende por a mira AVP perde tur tipo di berguensa y enfoca completamente riba poder. P'esey AVP ta busca trigger emocion di pueblo cu diferente tipo di slogan pa evita cu pueblo ta realisa e condicion di e partido.

"For di 17 di maart te dia 17 di april

*Parlamentario independiente Ryçon do Nascimento:***Posicion riba lista di AVP "tabatin su prijs"**

2023, e ancianonan di AVP a pone e balornan fundamental di Ryçon y Gerlien na prueba. Dia 17 di maart, Mike Eman a manda Mike de Meza na e show radial Enfoke pa gaña henter pais, pa mira si Ryçon y Gerlien lo muestra lealtad na sistema di patronahe politico. Ryçon a dicidi confronta partido publicamente y denuncia e engaño. Dia 14 di april, Mike Eman mes a gaña henter pais bisando cu hues a sentencia Benny Sevinger pa corrupcion solamente pa salba cara di ministerio publico. Despues, Mike Eman a anuncia un reunion di partido pa dia 17 di april pa dicidi si Benny Sevinger lo keda den parlamento pa AVP. Durante e reunion, abogado Hans Sjiem Fat tabata invita pa troce e berdad pa partido, pa asina tur hende vota pa tene Benny den parlamento. E dia ey Ryçon no a warda ningun momento extra pa anuncia cu e ta bandona AVP de inmediato.

Den un entrevista nacional el a splica pueblo cu e no por sostene un partido cu ta riba un rumbo di acelera corrupcion den nos sociedad. E bon comun tabata mas importante pa Ryçon cu sigui riba un caminda politico di exito personal den un marco corrupto. Ryçon tabata convenci cu e mester tuma un posicion fuerte pa berdad y contra corrupcion."

Gerlien, na su turno, no tabatin ningun gana pa bandona AVP dia 17 di april, segun Do Nascimento. "En

bes di expresa problema cu e rumbo corrupto, el a expresa di a sinti su mes humilia, pasobra e ancianonan no a invit'e pa un reunion secreto. Despues di reunion di partido dia 17 di april, Gerlien a dicidi pa negocia mas influencia den partido. El a hiba reunionnan largo cu Mike Eman. Gerlien tabatin contacto cu Leoncita Arends y Pieter Susebeek y tabatin diferente reunion cu su circulo intimo. Na mes momento reunionnan a tuma luga entre Henny Eman, Hans Sjiem Fat y e omo di Gerlien, esta Duke Croes. Un grupo den Gerlien su circulo intimo a conseha pa no acepta liderazgo di partido AVP, pasobra famia Eman lo manda un di nan mes, Trevor Eman, pa studia derecho pa asina tuma liderazgo di partido over. Na final di dia Gerlien lo mester a duna poder back na Trevor, mescos cu Tico Croes mester a duna poder back na Mike Eman. Tambe tabatin preocupacion cu Benny Sevinger tabata preparando su yiu muher pa bira su sucesor politico. Asina Gerlien a anticipa hopi lucha pa poder den partido. Gerlien y Mike ta e uniconan cu sa exactamente e resultado di tur e negociacion aki.

"Loke si nos sa, ta cu Gerlien a tarda un luna mas cu Ryçon pa anuncia su retiro for di AVP. Ademas el a anuncia su salida riba dia 15 di mei 2023 den un conferencia di prensa den presencia di Mike Eman. Na final di su anuncio Mike a duna Gerlien un

brasa caluroso. Nunca Gerlien a realmente denuncia corrupcion den AVP. Tampoco el a e menciona e idiotas pa laga un persona convicto pa soborno sigui representa AVP den parlamento. Desde cu el a sali for di AVP el a continua cu e politica sensacionalista di pone enfasis riba su shimis berde y buscando pleito cu ministernan y parlamentarionan di MEP.

"Gerlien ta demostra asina cu su curason ta berde berde ainda. Na december 2023 Gerlien a duna sosten den parlamento na e esfuerso pa proyecta Mike Eman como proximo minister-president. Tur hende por a mira Gerlien muestra su lealtad na e sistema di mentira durante e programa di Enfoke di dia 4 di maart ultimo. El a sali gaña henter pais cu Rocco Tjon a introduci un ley pa aumenta detencion di sospechoso penal den celnan di polis te na 20 dia. Ora nos analisa mensahenan di Gerlien for di tempo cu el a laga AVP, e no a haci nada otro sino muestra potret di su mes, mientras cu e ta evita di papia di corrupcion, pintando su mes hopi biaha como victima di sexismo. Mientrastanto el a cuminsa un partido nobo hunto cu Daphne Lejuez cu respaldo di un grupo di AVP. Su partido ta AVP 1.3 diseña pa haya voto di votadornan desilusiona di AVP, pa asina yuda AVP bolbe den poder. Esaki ta e peligernan di mantene un curason berde cu solamente ta anhela poder y exito politico."

Hulanda:

Hopi hende ta usa remedi herbal sin realisa cu por afecta nan remedi

(NLTimes)—Casi un tercer di residente Hulandes a usa remedi herbario den e ultimo año. 81% di nan a uza e alternativanan natural aki den combinacion cu medicina, usualmente sin sa e riesgo di esaki, segun un estudio pa Kantar den nomber di e Colleger Beoordeling van Geneesmiddelen (CBG).

“Remedinan herbario por cambia e manera cu e medicina ta traha. Un medicina por traha e ora menos bon of mas fuerte. Of un persona por experiencia mas efecto. tin biaha, un combinacion por

tin consecucionan serio,” MEB a bisa.

Mita di e hende den e estudio tabatin tiki of ningun conocimiento tocante e posibel efecto di e remedinan herbario cu nan a uza. 86% ta pensa erroneamente cu e combinacion di yerba y medicina tin un riesgo chikito so. Y 72% ta pensa cu nan no a bisa nan dokter tocante e remedi herbario cu nan ta usa.

Remedinan herbario manera valeriana, ajo, curcuma, canabos y green tea ta conoci pa interactua cu medicamento, MEB a bisa. “Esaki ta rela-



ciona na diferente medicina: for di antiacido- y anticonceptivonan pa medicinanan cardiovascular.” MEB a colabora cu e Nederlandse Voedsel- en Waren-

autoriteit (NVWA) pa lansa e campaña “Sa kico bo ta tumando”, diseña pa informa residentenan Hulandes tocante e efecto y consecucionan imboluntario cu 11 re-

medi herbario por tin. Te cu fin di luna, residentenan por haya e informacion aki den tiendanan di medicamento, den cambenan di espera di dokternan y online.

Merca:

Corte ta sostene ordenansa prohibiendo cualkier hende naci den siglo 21 di cumpra productonan di tabaco



(AP) — Un pueblo na Massachusetts, Merca, cu a adopta un ordenansa incomun prohibiendo e benta di tabaco na cualkier hende naci den e di 21 siglo ta ser considera como un posibel modelo pa otro ciudad- y pueblonan cu ta spera pa recorta uso di sigaria y productonan di tabaco.

E ordenansa e prome di su tipo den e pais a ser adopta pa Brookline na 2020 y siman pasa e corte mas halto den e estado a sostene esaki, habriendo porta pa otro comunidad adopta prohibicionnan similar cu lo, aki par decada, eventualmente prohibi benta di tabaco pa generacionnan den futuro.

E regla, cual ta prohibi e benta di tabaco pa cualkier hende naci riba of despues di 1 di januari 200, a bay den efecto na 2021 den e pueblo di aproximadamente 60,000 residente. Bao un ley di Massachusetts firma pa ex-gobernador Republicano Charlie Baker na 2018, cualkier hende bao di e edad di 21 año ya ta prohibi di cumpra cualkier producto di tabaco incluyen-

do sigaria, siga y e-sigariaden e estado.

Siguidonan di e medida di Brookline a subraya cu e ley di e estado ta reconoce e autoridad di comunidadnan local pa implementa nan mesun medida pa limita e benta di productonan dañino.

Pero criticonan di e ley di Brookline, incluyendo doñonan di tienda cu ta depende riba e benta di productonan di tabaco pa un porcion importante di nan salario, no ta di acuerdo cu esaki, argumentando cu e ley ta bay den conflicto cu e ley estatal di 2018 cu ta permiti esnan cu mas di 21 año cumpra productonan di tabaco—y lo establece dos set di adulto, un cu por cumpra sigaria y un cu no por.

E Corte Supremo Hudicial na Massachusetts a sostene Brookline, notando cu e ciudad- y pueblonan “tin un historia largo di regula productonan di tabaco pa curva e efectonan negativo di uso di tabaco.”

“Importante tambe, leynan estatal y ordenansanan local por y frecuentemente ta existi

banda di otro,” e corte a agrega. “Esaki ta particularmente berdad di ordenansanan local regulando salud publico, e importancia di cual nos ta reconoce pa hopi tempo.” Peter Brennan, director ehecutivo di e New England Convenience Store and Energy Marketers Association, a bisa cu e grupo ta conside-

rando posiblemente apelando e decision na e Corte Supremo Mericano. El a nota cu mientras e ley ta enfoca riba tabaco, e reglanan pa marihuana ta keda mescos. “E ta un cuestion di con mas nos por demonisa e producto aki,” Brennan a bisa. “E ta trata purbando di ta un trendsetter, purbando di ta e

promer den e nacion.” Un cantidad di pueblonan den Massachusetts a considera prohibicionnan similar, incluyendo propuestanan cu lo prohibi e benta di productonan di tabaco of e-sigaria pa cualkier hende naci riba of despues di 1 di januari 2004.

TRABOU DI MANTENCION NA SAN NICOLAS
Interupcion di Coriente

En conexion cu trabounan necesario, coriente lo wordo interumpi:

Diahuebs, 14 di maart 2024 8:30 AM te cu 4:00 PM

Den vecindario di:

- Apachenstraat
- Castrostraat
- Caya Ras
- Caya Vries
- Comanchestraat
- Lopezstraat
- Noguerastraat
- Palisiaweg
- Rotterdamstraat
- Stamperstraat
- Tobelstraat
- Vorstraat
- Wernetstraat
- Weverstraat

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

Maestronan cu accion di welga na Sint Maarten



(SMN-news) – Maestronan di scol Martin Luther King (MLK) cu actualmente ta ubica na e Scol Prins Willem Alexander (PWAS) a cuminsa un accion di protesta ayera mainta, exigiendo pa De-

partamento di Educacion Publico (DPE) y minister di Educacion atende e asuntonan urgente cu ta plaga nan pa años.

Maestronan di MLK a bisa cu nan a move pa PWAs pa repa-

racionnan na 2020, y desde e tempo ey, no a duna nan un actualisacion di e progreso di e reparacionnan. Nan a splica cu e sitio actual na PWAS tin beskem, cual ta hopi dañino pa nan salud y esun di e studiantenan.

E maestronan, den un entrevista cu SMN News, a bisa cu e gym na PWAS no ta funciona y nan mester materialnan urgentemente pa e studiantenan na e scol. Nan a bisa cu e scol ni sikiera tin un printer ni inkt pa nan print tareanan di scol pa nan studiantenan.

PWAS ta un scol pa necesidadnan special y te awo, no tin material ni maestro di Economia di Hogar pa siña e studiantenan traha cu nan man, ya cu nan no ta completamente academico. Contestando si a informa

DPE di e situacion actual na PWAS, e maestronan a bisa cu esaki no ta prome biaha cu nan ta protesta e condicionnan na PWAS, y a pesar di nan accion, DPE no a haci nada pa remedia e situacion. Nan tambe a bisa cu a informa sindicato di maestro di Islanan Ariba (WITU) tempo cu Stuart Johnson tabata presidente, y tampoco a haci nada.

Sinembargo, ayera mainta e hunta nobo consistiendo di presidente Roxanna Pantophlet, vice-presidente Claire Elshot, y Minerva Marlin a bishita e scol y e maestronan cu tabata protestando. Minister di ECYS, Rodolphe Samuel a bisa cu el a tuma contacto cu e scol y cu tin un printer y inkt na e scol pa uso di e maestronan. Vice-presidente di WITU a bisa

cu en berdad recientemente a repara e printer, y a duna instruccion na e maestronan pa no us'e, ya cu e scol lo mester di dje pa print rapportnan pa e studiantenan.

Elshot a bisa cu hunta ejecutivo di WITU tabata na e scol y a keda informa cu DPE a dicide pa permiti un maestro di musica di Oranje School y un maestro di Economia di Hogar for di Scol Vocacional pa asisti PWAS un biaha pa siman. Sinembargo, e maestronan tabatin obhecion ya cu un biaha pa siman no ta suficiente pa e studiantenan.

Elshot a splica cu DPE no a atende e falta di material na e scol, cual el a bisa ta un di e preocupacionnan mas grandi di e scol y su maestronan.

Clean Air Everywhere ta menasa cu accion legal contra ley nobo di calidad di aire

(CuraçaoChronicle) – Fundacion Clean Air Everywhere a expresa preocupacion serio den un carta pa Parlamento di Corsou tocante e propuesta di Ordenansa Nacional riba standardnan di

calidad di aire. E fundacion, dedica na mehora calidad di aire na e isla, ta adverti cu si adopta e ley den su forma actual, nan ta bay tuma accion legal.

E propuesta di Ordenansa

Nacional, actualmente wardando aprobacion di Parlamento, ta critica pa tin balornan limite y obhetivo pa substancianan manera dióxido di sulfur y materia particular cu ta considera demasiado halto te cu 2035. Ademá, e ley supuestamente no ta establece standard pa emision di dióxido di carbon, a pesar di compromisonan anterior.

Clean Air Everywhere ta argumenta cu e ley no ta cumpli cu e standard di Artículo 8 ECHR, y ta haci un yamado pa ahustenan substancial. E fundacion ta enfatisa cu desaroyo economico cerca di area Schottegat, manera hotel nobo y proyectonan di vivienda, ta den peliger si



mantene e periodo di transicion actual. Adicionalmente, e fundacion ta preocupa cu ainda actualmente no tin manera pa verifica calidad di aire pa motibo di e falta di data actualisa riba e website oficial di monitoreo. Clean Air Everywhere ta urgi

Parlamento pa no adopta e ley den su forma actual, y ta habri pa discusion tocante contenido di e Ordenansa Nacional. Si aproba e ley, Clean Air Everywhere ta bay hiba e caso na un corte competente.

Comisionado di Gobierno, Alida Francis ta bira Gobernador di Sint Eustatius

(TheDailyHerald) – Comisionado di Gobierno, Alida Francis ta bay bira e proximo Gobernador di Sint Eustatius den proximo lunanan. Secretario di Estado pa Relacionnan di Reino, Alexandra van Huffelen a transmitir e nominacion di Francis, naci na Sint Eustatius, pa Consejo di Minister.

E fecha riba cual su nombramento ta bay drenta na vigor ainda no ta finalisa, pero e ta bay ta ora e Decreto Real Fase 3.0 di e Ley di Restauracion di Provision St. Eustatius drenta na vigor. Na mes momento, e interencion administrativo na Sint

Eustatius tambe ta bay termina, y e posicion di comisionado di gobierno ta bay stop di existi.

Nombramento di e Gobernador ta bay completa e regreso pa democracia riba e isla, cabando cu e intervencion cu a cuminsa na 2018. Esaki ta nifica cu for di e momento ey, Sint Eustatius ta bay ta responsable pa asumi su propio tareanan administrativo. E representante di Reino tambe ta bay tin un cantidad di poder adicional te cu e ley caduca dia 1 di september 2024.

Sra. Francis a keda nombra como comisionado di gobierno na 2021, despues di a

keda nombra como comisionado interino na 2020.

Cu e nombramento aki, Francis ta bira e prome Gobernador femenino di Sint Eustatius.



TRABOU DI MANTENCION RIBA LIÑANAN DI DISTRIBUCION
Interupcion di Coriente

En conexion cu trabounan necesario,
coriente lo wordo interumpi:

Diahuebs, 14 di maart 2024
8:00 AM te cu 4:00 PM

Den vecindario di:

- Bubali (un parti)
- Cunucu Abou (un parti)
- Caya Musica (un parti)
- Pos Abou (un part)
- Danza (un parti)
- Tanki Flip (un parti)
- Hato (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

AWAWE
MINI MEGA
MEGA PLUS

Awo cu 2 florin mas, bo por gana e MEGA PLUS
* Afl. **360.000,-**
* Afl. 260.000,- + Afl. 100.000,-
extra

Benta ta sera 7:30 pm y sorteo ta hunga 7:45 pm

HUNGA AWO

LoTo

f X Instagram YouTube

Marcha Feminista cancela despues cu polis a usa violencia riba manifestantenan pro-Palestina

(NLTimes)—e Feminist March cu mester a cuminsa na Amsterdam 7or di anochi diadomingo a ser cancela. Un vocero a bisa cu e siguridad di participante no por a ser garantiada. E organisadonan a bisa cu polis a usa violencia na un protesta riba Waterlooplein, unda tabatin un protesta contra e presencia di presidente Israelí Isaac Herzog na e apertura di e National Holocaust Museum. E organisado di e marcha tambe tabatin problema cu capacidad.

“Nos ta haya e atmosfera hopi impredecible,” e vocero a bisa. Segun e organisado, polis a crea un atmosfera insegur pa gruponan vulnerabel. “Nos ta particularmente preocupa tocante e seguridad di e bloque Palestino cu lo ta dilanti di e marcha,” e Feminist March Foundation a bisa riba su website. Hopi mucha



tambe a participa den e añan anterior, e vocero a splica.

“Bo no kier pa nan core posibel riesgo.”

“Bo no kier pa nan core posibel riesgo.”

Ora a puntr’e, un vocero di polis a bisa cu polis no a usa forza. Solamente a interveni ora, segun polis, un grupo chikito di manifestantenan na Waterlooplein a crea un atmosfera scur. “E ora nos a interveni, pero esey tabata proporciona,” e vocero a declara. Polis a detene 13 hende diadomingo rond di e apertura di e museo nobo.

E organisado di e Feminist March tambe a bisa cu el a experencia problema di capacidad pasobra algun boluntario cu lo haci “control di grupo” a dicidi pa no participa mas. “E combinacion di factornan ey ta nifica cu desafortunadamente nos mester a dicidi pa cancela e marcha,” e vocero a bisa. Ainda no ta cla ora e proximo marcha lo tuma luga. “Nos ta mirando otro opcion hunto cu nos partnernan.”

Presidente di PvdA prohibi for di departamento universitario pa comportamiento inadecua

(NLTimes)—Radboud Universiteit na Nijmegen a prohibi e profesor conoci Esther-Mirjam Sent, casi e presidente nacional di PvdA, for di su departamento na e universidad debi na acusacion di intimidacion y comportamiento inadecua. Despues a transferi’e pa un otro departamento pafo di e campo di universidad, segun De Gelderlander ta reporta.

E inquietud rondonando Sent, un profesor di teoria y politica economico, a surgi den temporada di otoño na 2021. Señalan di un “relacion laboral perturba” a causa Radboud Universiteit pa ordena un investigacion independiente den un conflicto entre e, cuatro otro profesor y un profesor asocia. E investigadonan a determina cu e relacion den e facultad tabata asina perturba cu Sent no por



a keda,” segun fuentenan a conta De Gelderlander.

“E tabata causa problema y a muestra hopi agresion,” un fuente a conta e corant. Un otro a bisa: “Mi no lo yam’e no safe, pero tabatin intimi-

dacion y comportamiento indeseable.” Segun e fuentenan di e corant, Sent tabata manipulativo, y algun empleado tabatin asina hopi miedo pa haya problema persona cu nan no a tripi entrega propuestanan cu lo afecta e departa-

mento di Sent. “Varios colega a depende riba Sra. Sent pa evaluacion y promocion,” segun un miembro di facultad.

Un disputa a sigui e resultado di e investigacion. Sent y rector Tom Elfring y nan abogadoonan a lucha tras di portanan cerca tocante su futuro den e departamento di ciencia economico, segun e corant. Mientras tanto, tabata conoci cu empleadonan lo sconde den camber si nan mira Sent den gang, cu miedo di acerc’e.

Riba 20 di october, rector Elfring finalmente a prohibi Sent for di e departamento, fisicamente y online. Un par siman despues, e universidad a transferi’e na su Honors Academy, un departamento unda studiantenan talento por tuma cursonan extra. Sent a retene su presidencia den “Ciencia Economico y Politica.” Segun un profes-

or na e universidad, a haci esey pa “tapa tur problema y mantene un bon imagen di e scol.”

Sent a conta e corant cu el a dicidi pa reduci su trabao na e universidad pasobra su posicion como presidente di PvdA. P’esey el a move bao na e Honors Academy, el a bisa. “Ainda mi ta disfruta traha cu un cantidad grandi di colega den nos departamento.”

Radboud Universiteit a conta De Gelderlander cu e no duna comentario riba casonan individual. Den un declaracion, e universidad a bisa solamente cu e investigacionnan ta ser conduci tin biaha den e estado di asunto dentro di e departamento. “Den e investigacion na cual De Gelderlander ta referi, e informacion a ser comparti cu esnan directamente involvi, y e directiva ta den contacto cu esnan involvi.”

Chile: Gabriel Boric ta yega na mita di su mandato sin cumpli cu su reformanan clave

(EFE) – Presidente Chileno, Gabriel Boric, ayera dialuna a cumpli dos aña na poder, marca pa fracaso constitucional, cu e ola de candelanan mas mortal den historia, y cu e debenan principal di su agenda di cambionan pendiente pa cumpli.

Boric, ken a instala na sede di gobierno dia 11 di maart 2022 cu espectativanan grandi y despues di un eleccion duro cu ultra-derecha, a yega na mita di su mandato cu un liderazgo debil, un aprobacion cu no ta subi y cu hopi mas reconocemento den exterior cu den su mesun pais.

“Pafo e tin mas balor de su intento pa busca un reconciliacion despues di un tempo largo di hopi polarisacion,” Anna Ayuso, investigado di CIDOB, un centro di pensamiento den relacionnan internacional di Barcelona a bisa.

Despues di dos intento failliet, Chile a opta pa mantene e



Constitucion actual, hereda for di e dictadura di Pinochet. Sin margen pa un di tres oportunidad, Boric a señala cu “e urgencianan” ciudadano a cambia y a menciona su reformanan strea –pension y tributario- y e crecemento economico despues di un aña cu resultadonan nulo.

“Despues di e reforma constitucional failliet, no tabatin un proposito concreto

di Gobierno mas cu tres of cuatro reforma puntual den cual tampoco ta logra avansa,” e politologo di Universidad San Sebastian, Jaime Abedrapo a bisa.

Boric di 38 aña, ta goberna cu un Congreso hopi fragmenta, su coalicion ta e minoria y ta mantene un pulso permanente cu oposicion, cu a obstaculisa varios biaha avancen di su proyectonan.

“Ta poco probable cu nan lo bay dilanti pa via di e desgaste di Ehecutivo y nivel di polarisacion di sistema politico Chileno, cu ta forma parti di un clima di epoca cu ta atraves a region y otro partinan di mundo,” director di Facultad Latinoamericana di Ciencia Social (Flacso-Chile), Fabricio Franco Mayorga, a bisa.

Al contrario, oposicion a logra

instala e tema di siguridad den tur agenda, pa aumento di crimen organisa na e pais cu, aunke ta mantene Chile entre e paisnan mas sigur di e region, a registra un aumento considerable di crimennan violento.

Pa Anna Ayuso, den materia di siguridad Boric ta mas “modera” cu otro lidernan Latino Americano, “su problema ta cu no tin ni un hende contento, ni esnan cu a pidi man duro contra delincuencia, ni esnan cu ta rechasa exceso di populismo penal of militarizacion na e sur di pais.”

Boric cu si a logra aproba 40 ora laboral y un aumento historico di salario minimo, a destaca pa su defensa di derechonan humano, un bandera cu a tuma forma y a lant’e tanto den exterior como den su pais.

A haci impulso di un plan unico di buskeda di victimanan cu a disparce durante dictadura y a critica hopi e regimen di Venezuela y Nicaragua.

Fiscalia di Paraguay ta acusa ex-presidente Abdo Benitez di revela secreto y entrega keho falso

(EFE) – Ayera dialuna Ministerio Publico di Paraguay a informa cu a formula un acusacion contra e ex-presidente Mario Abdo Benitez (2018-2023) y varios di su funcionario pa presunto delitonan di revelacion di secretonan di servicio, influencia un persona pa comete un acto castigabel y entrega un keho falso.

La imputacion ta forma parti di un investigacion habri pa Fiscalia General debi na un denuncia presenta na juli 2023 pa ex-mandatario Horacio Cartes, ken a declara su mes como victima for di 2018 di un “presunto persecucion” di parti di “personanan den eheericio di poder politico” y despues a amplia su acusacion advertiendo riba un supuesto “revelacion di secretonan di servicio” y di un plan crea for di organonan di e Gobierno anterior.

“Durante parti di su periodo di Gobierno, ex-presidente Mario Abdo Benitez (2021-



2022) por a origina un skema cu tabata aspira genera investigacionnan penal contra di figuranan contrario na su movimiento den Partido Colorado (Horacio Cartes y Santiago Peña), cu e fin di debilita su figuranan den area

politico, economico, y principalmente electoral,” Fiscalia a bisa den un comunicado.

“Pa sigui cu e obhetivo aki, Abdo Benitez a compone su gabinete di ministernan cu personanan di experiencia

den area investigativo (ex-agentenan di Ministerio Publico).”

E acusacion presenta pa fiscalnan Aldo Cantero Colman y Giovanni Grisetti “despues di haya suficiente elementonan di conviccion cu ta haci sospecha e existencia di hecho castigabel” di revelacion di secretonan di servicio, revelacion di secretonan priva pa funcionarianan of personanan cu obligacion special, influencia un persona bao su funcion pa comete un hecho castigabel, usurpacion di funcionnan publico y asociacion criminal.

Tambe e acusacionnan ta cay riba ex-minister di Interior Arnaldo Giuzio, ex-titular di Secretaria Nacional Anticorupcion (Senac) Rene Fernandez y su colega di Secretaria di Prevencion di Labamento di Placa of Bienes (Seprelad) Carlos Adolfo Arregui y ex-vice-minister di e entidad ey, Carmen Pereira, asina como tambe otro tres funcionario.

Ministerio Publico a puntualisa cu “tumando den consideracion cu te ainda ta pendiente algun documentonan y diligencianan, ta necesario e plaso di seis luna pa presenta rekerimento di conclusion na cada un di e acusadonan.”

Ora a presenta e denuncia na juli 2023, Pedro Ovelar, abogado di Cartes, a denuncia cu “a crea mentiranan” pa gaña Brazil y Merca, loke a caba cu procesonan y sancion contra e ex-presidente y su companianan.

Cartes –ken a derota Benitez den eleccion primario y ta presidente actual di Partido Colorado- tambe ta acusa pa Merca pa presunto corrupcion y a prohibi su entrada y di su yiunan e pais Norte Americano. Despues, Washintong a aplica sancionnan financiero na ex-mandatario y varios di su compania, loke a hiba na un proceso di restructuracion di Grupo Cartes, cu for di maart di aña pasa a stop di opera como marca.

Jamaica: Prome minister ta adverti contra regreso di mal maneho di economia

(JamaicaObserver)- E prome minister Andrew Holness a adverti e nacion contra cualquier regreso na e dianan di "mal maneho" di e economia di Jamaica.

E prome minister tambe a tira culpa riba hende, kendenan el a sugeri, a usa conexionnan cu e Administracion di 1990 di e Partido Nacional di Pueblo (PNP), y a beneficia di politicanan cu a sirbi pa daña e pueblonan y awe nan ta presenta nan mes como expertonan financiero y expertonan riba con e economia mester opera.

Holness tabata papia dialuna pasa na e lansamento di Amber/UTech na Universidad di Tecnologia (UTech), Jamaica. E lansamento di Amber/UTech ta un esfuerso colaborativo entre e Grupo Amber i UTech cu ta traha pa reforsa e crecemento y desaroyo di "start-ups" tecnologico na Jamaica, cu e obhetivo di nutri y avansa iniciativanan empresarial, y ta aspira pa facilita e establecimiento y crecemento di 100 negoshi durante un periodo di mil dia.

Segun e prome minister, ta mas importante pa, especificamente e generacionnan mas chikito di Jamaiquino, aprecia loke a sucede den sector financiero durante e añanan ey pa yuda nan evalua comentarionan cu ta ser haci pa algun parti interesa tocante con e economia mester ser goberna.

"Entre januari 1983 y maart 2010, cual ta 27 aña pasa, e cuenta di tres luna di e tesorera di Banco di Jamaica tabata den dobel digito, esey ta nifica cu e tabata mas halto cu 10%. E periodo mas malo di e polisa di interes halto aki tabata e periodo entre juni 1990 y augustus 1999, ora e e recibo di tesorera tabata mas di 20% pa henter e periodo, y a subi te na 50% na mei di 1992," Holness a menciona.

El a bisa cu e esencia di kico e tabata bisa ta data back na e añanan 1990, ora cu algun operador di banco, casnan di inversion of dealernan di papelnan, si nan tabata pensa di inverti di un manera, nan no mester a pensa riba un producto nobo, un app nobo, nan no mester a innova, tur

loke nan mester a haci tabata tuma e poco placa cu nan tabatin y bisa nan inverti. Pero esaki no tabata loke nan tabata haci, esaki no ta inverti. Nan solamente a presta na Gobierno y a beneficia di e polisa di interes halto na e

momento ey, loke a haci daño na varios negoshi.

"Algun di e hendenan cu tin awe cu ta pretende di ta guru financiero, cu ta pretende di ta algun mago di innovacion economico y ingeniosidad, esey ta con nan a sali for di es-

aki, incluso esnan cu ta predica awe tocante con un economia mester ser mancha y con nan tin un miho perspectiva di con un economia mester ser mancha," el a agrega.



Republica Dominicana: Activistanan ta manifesta na Zona Colonial na favor di derechonan di hende muhe

(DiarioLibre) - Centenares di activistanan di diferente grupo feminista a realiza diadomingo ultimo un manifestacion na e Zona Colonial, probechando e conmemoracion reciente di e Dia Internacional di Hende Muhe pa exige na e gobierno medidanan firme cu ta garantisa e cumplimiento di e derechonan di hende muhe den diferente ambito.

E manifestantenan a pronuncia nan mes contra di e cifra halto di feminicidio na e pais, e falta di un regulacion cu ta garantisa seguridad social y salarionan digno pa e trahadonan domestico, e inclusion di e tres factornan di aborto den e Codigo Penal Dominicano y e eliminacion di e violencia policial contra di hende muhe afro-descendiente, particularmente esnan Dominicano di descendencia Haitiano y migrantenan Haitiano den estado di gestacion, entre otro causanan.

"A pesar cu e muhe Dominicano ta establece e principi-



onan y mandato pa igualdad di hende, y ta condena tur privilegio y tur situacion cu ta menasa cu kibr'e, nan ta viola e derechonan fundamental di e hende muhe den tur forma di relacionnan social, afo y paden di hogarnan, den empresanan, den e partidonan politico, den iglesianan, den gobierno central, den e Congreso, den husticia y den tur forma di organizacion exis-

tente," nan a indica den un manifiesto conhunto.

Den e documento lesa den publico, nan a señala cu e hende muhe ta keda e poblacion mas vulnerable na pobreza, cu un 24.1%, 2.3% riba di hende homber, refiriendo na datonan recientemente publica pa e ministerio di Economia, Planificacion y Desaroyo.

Di mesun manera nan a indica cu, a pesar cu hende muhe ta conta pa un 41.7% di e total di e poblacion economicamente activo, ta existi un buraco di genero di e empleonan formal di 9.2%.

Den e tono ey, nan a recorda cu e hende muhe cu ta dedica na e trabao domestico ta sigui sin regulacion cu ta garantisnan un salario digno y

derechonan laboral, manera por chemplo inclusion na seguridad social y pensioen.

Pa e secretaria di e Asociacion de Trabajadoras del Hogar, Elena Perez, e abolicion di e resolucion cu e ministerio di Trabao a emiti, despues di un fayto di e Tribunal Constitucional, den un intento pa regularisa e trabao domestico, esaki ta un retraso pa un grupo di trahadonan cu ainda no tin acceso na e formalizacion di nan servicionan.

El a señala cu, aunke e Comité Nacional de Salarios, a establece un minimo cu mester paga nan pa nan trabao, esaki no ta suficiente pa cubri nan necesidadnan. "E salario cu un trahado di hogar mester gana mester wordo someti na un estudio entre tur e partinanan, cu nos por sinta na un mesa di dialogo y realmente, dignifica loke ta e trabao di hogar," el a señala.

E manifiesto tambe ta trece pa dilanti e preocupacion pa e violencia machista contra di e hende muhe.

“Oppenheimer” corona como miho pelicula entre un clima di guerra

(AP)—Oppenheimer, un pelicula biografico di tres ora cu a bira extremadamente popular, a ser corona como “best picture” na e di 96 Academy Awards cu a dobel como un coronacion pa Christopher Nolan.

Despues di a salta algun di e “auteurnan” mas grandi na Hollywood, e Oscars a duna Nolan shete premio pa su pelicula “blockbuster,” incluyendo pa categoria “best actor” pa Cillian Murphy, “best supporting actor” pa Robert Downey Jr. y “best director” pa Nolan.

Por medio di duna Oppenheimer e premio, e Academy of Motion Pictures Arts and Sciences a haci algo cu e no a haci pa mas cu un decada: duna su premio mas prestigioso na un pelicula cu a ser mira pa hopi y cu un presupuesto hopi halto. Den un industria di pelicula unda un capa, dinosaurio of Tom Cruise ta un rekisito pa un pelicula exitoso, Oppenheimer a trece un monton di hende na cinema cu un drama complica tocante J. Robert Oppenheimer y e creacion di e bom atomico.

“Pa bon of malo, nos ta bibando den e mundo di Oppenheimer,” Murphy a bisa den su discurso. “Mi kier dedica esaki pa e peacemakers di mundo.”

Como un pelicula yen di inkietaud pa capacidad humano pa destruccion masivo, Oppenheimer tambe a sobresali—hasta riba su partner den fenomeno cultural “Barbie”—como un pelicula cu ta pas pa e temponan di cataclis-



mo, traha pa humano of no.

E Oscars diadomingo na e Dolby Theatre na Los Angeles a tuma luga entre un clima di guerra na Gaza y Ucrania, y cu un eleccion na Merca posiblemente transcendental na horizonte. Premionan pa e ganado di documentario 20 Days in Mariupol, y “best international film” The Zone of Interest, a trece geopolitica riba e escenario di Oscars.

E prome premio di e anochi tabata un di e mas predecible: Da’Vine Joy Randolph pa “best supporting actress” pa su prestacion den The Holdovers. Un Randolph emocional a ser acompaña riba e escenario pa su colega Paul Giamatti.

E premio pa e categoria mas enfoca a bay pa Emma Stone, ken a gana “best actress” pa su prestacion como Bella Baxter den Poor Things. Den loke a ser mira como e categoria mas anticipa di e Oscars, Stone a gana Lily Gladstone di Killers of the Flower Moon. Gladstone lo por a bira e prome Mericano Indigena pa gana e Academy Award.

E victoria pa Oppenheimer a ofrece Hollywood un chens pa celebra a pesar di e tormenta den e industria di pelicula. E pelicula di Nolan a debut aña pasa mientras cu actornan a uni cu escritornan den un welga tocante economiconan di plataforma di streaming y inteligencia artificial. E welga di e actornan



a caba na november, pero e inkietaud no a baha den Hollywood.

Pero “Barbenheimer” tabata e tipo di fenomeno no plania cu Hollywood mester. E dos pelicula por tin un efecto

positivo riba e locucion di e Oscars, cual historicamente e beneficia di tin pelicula den contencion. E audiencia mas grandi di e Academy Awards tabata ora e pelicula Titanic a gana mayoria premio durante e Oscars na 1998.

Atanero tambe lo forma parti di e concierto di apertura di Aruba Doet!

Despues di un edicion exitoso na 2023, Cas di Cultura na biaha mas ta organisa e concierto di apertura di Aruba Doet pa su boluntarionan y tambe pa personanan cu limitacion.

Riba diahuebs, 14 di maart 2024 tur boluntario di Aruba Doet y pueblo di Aruba henter ta invita pa un anochi yena cu musica y canto. E concierto ta cuminsa 7’or di anochi den e auditorium (sala grandi) di Cas di Cultura y entrada ta completamente

gratis. Pa reserva lugar mester manda un e-mail na info@casdicultura.aw.

E banda musical “The Blue Mermens” lo habri e anochi cu ritmo y ambiente di Virginia Rasmijn, Reno Steba, Serghio Jansen, Ricardo Añasgo y Richard Holmond.

Atanero y DJ Sky tambe lo ta “den cas” y e anochi lo finalisa cu karaoke, unda cu publico lo por subi escenario y demostra nan talento. E evento lo ta di 7’or pa 9’or di anochi.

Un y tur ta keda cordialmente invita pa un anochi alegre, na unda inclusion di esnan cu limitacion ta central. Aruba Doet ta wordo organisa door di CEDE Aruba den colaboracion cu Oranje Fonds. Cas di Cultura ta gradici tur esnan cu a inscribi pa bira boluntario y cu lo ta activo durante henter e fin di siman aki cu varios proyecto na beneficio di nos comunidad.

Potret: Facebook di Atanero.



22 trahado di KIA a obtene nan certificado di e metodo “Youturn” exitosamente



Diabierna merdia, Minister di Husticia y Asuntonan Social Sr. Rocco Tjon, tawata presente na Balashi, pa asina haci e entrega di certificado pa 22 trahado di KIA cu a termina e opleiding di “Youturn”, exitosamente.

“Youturn” ta un metodo cu ta wordo uza den tur instituto coreccional na Hulanda, pa loke ta trata hobennan. Ya pa algun tempo caba, Centro Ortopedagogico Aruba (OC) ta uzando e metodo aki, mi-

rando e exito cu e esaki a demostra di tin di por guia e hobennan mucho mas miho y asina percura pa nan por reintegra y resocialisa bek den comunidad na un manera exitoso.

Ta asina cu dentro di poco, KIA ta bay introduci un proyecto piloto caminda ta bay traha cu personal fiho na e seccion di hobennan, caminda lo bay implementa e metodo di “Youturn”, y lo bay brinda miho guia na nos hobennan. Banda di esaki, a



aproba diferente cursonan, especificamente pa nos hobennan. Ta trata di un lista grandi caminda ta bay tin mas di shen cupo y opleiding pa detenidonan por participa na diferente cursonan cu tin di haber cu entrepreneurship, enseñansa y mas.

E mandatario a expresa cu e ta hopi satisfecho di wak e colaboracion entre OC y KIA, caminda e psicologo forensico di OC, hunto cu su ekipo, a percura pa brinda e training aki na e personal di KIA. Un palabra di pabien na henter e personal cu a logra obtene nan certificado. Un inver-

sion den e desaroyo profesional di esnan cu ta labora bou di Ministerio di Husticia y Asuntonan Social ta esun di mas importante. Danki tambe, na e management team di KIA cu a haci esaki posibel den colaboracion cu e ekipo di Centro Ortopedagogico.

Cu e meta pa inspira y motiva

Hospital a organisa “open dag” pa e futuro profesionalnan den cuidado

Horacio Oduber Hospital (HOH) a tene su “open dag” riba diasabra 9 di maart cu e meta principal pa hobennan por wordo inspira y motiva pero tambe pa mira e diversificacion di trabounan cu tin na hospital. Mas o menos 200 estudiante di diferente scol a atende e mainta aki cu tabata un exito rotundo.

Cathleen Gomez-Hernandez, coordinador di stage na HOH Academy, a expresa cu e hobennan cu a atende e “open dag” por a scucha tocante e diferente disciplinan cu tin na HOH, papia cu e trahadonan y tambe nan a haya demostracion “LIVE” di diferente tarea cu e trahadonan ta ehecuta manera por ehempel reanimacion, con pa pone gips, con pa hinca infuus den brasa y siña tocante e curpa humano. Tambe nan por a haya un “tour” riba departamento di radiologia, revalidatie y camber di operacion.

Informa y inspira
E meta di HOH durante e “open dag” tabata pa informa e hobennan tocante e diferente trabounan cu tin



na hospital. Pero tambe pa inspira nan pa asina den futuro nan bay studia y sigui nan carera den mundo di cuidado na Horacio Oduber Hospital. Tabatin presente diferente departamento, esta di cuidado mes te na e departamentonan cu ta brinda sosten

manera cushina, IT y mas.

Por ultimo Cathleen Gomez-Hernandez a gradici tur e departamentonan cu a duna di nan banda y hinca un booth interactivo y profesional den otro pa asina por informa tur e studentenan cu a presenta



durante e “open dag” informacion inspirativo. Sin duda, mester gradici e mayornan cu ta stimulo e hobennan cu a presenta n’e mainta aki pa hunto nan traha riba un posibel futuro briyante pa nan mes den e mundo di hospital.

funcion cu por imagina, pues cuminsando den tur loke tin di haber cu cuidado te na personal cu tin di haber cu finanzas y mas.

Croeze a comenta cu HOH Academy ta duna diferente curso pa esnan cu kier specialisa den nan profesion, por ehempel si bo ta un Basis Verpleegkundige, HOH ta ofrece pa durante bo carera bo sigui bo estudio pa specialisa den por ehempel OK Verpleegkundige, Dialyse Verpleegkundige, Endoscopie Verpleegkundige y mas. Tambe si acaso den e periodo cu e hoben ta studiando e tin deseo di stage, por acerca HOH tambe cu ta ofrece diferente cupo pa haci esaki cerca nos.

Dia exitoso
Gregory Croeze, miembro di Hunta di Directiva di HOH, a comenta cu hospital ta traha cu diferente specialista, dokter, nurse, nurse specialisa y mas pero no lubida cu un total di 50% di e empleadonan di HOH ta traha indirectamente den cuidado. Pues tin personal den cushina, den IT, Recurso Humano, Administratie y mas. Hospital ta conta cu alrededor di 1200 trahado den tur tipo di





Homber a yega cas tur na sanger y cu su auto destrui

Diasabra madruga a drenta informe di cu un homber a yega cas tur na sanger y e auto destrui na Turibana, mesora a dirigi tanto polis como ambulance na e sitio.

Na yegada di e patruya a topa e homber tur na sanger y e auto destrui. Polis no por a saca afo si ta accidenta el a accidenta of nan a maltrat'e y destrui su auto Nissan March. Polis a pidi pa e investigadornan tecnico y forensico presenta na e sitio pa asina nan sigui cu e investigacion. Na yegada di e ambulance nan a atende y a transporta e victima pa hospital.



Biento fuerte a ranca mucha bulando fli

Diabierna atardi a drenta informe di un incidente cu hende herida dilanti Centro di Bario y Deporte Dakota, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un mucha cu a bay hisa un fli riba e parkinglot dilanti e centro di bario y na un dado momento a bini un biento fuerte cu a ranca e mucha mand'e bay dal riba un Van staciona riba e parkinglot. E impacto tabata hopi fuerte cu a laga e mucha ta keha di bastante dolor. Na yegada di e ambulance nan a atende e mucha y a transporte pa hospital.

Homber a blokea entrada di garashi cu su auto

Diasabra madruga a drenta informe di cu tin un auto para dilanti un garashi di un cas strobando e dama pa drenta su cas na Kamerlingh Onnesstraat, mesora a dirigi un patruya na e sitio.

Na yegada di e patruya a bin encontra cu un auto desconoci ta para dilanti e entrada y a solicita un takelwagen pa asina kita e auto for di e sitio.

Net un tiki prome cu e takelwagen a yega e chauffeur a presenta pa hala e auto pero polis a atende seriamente cune y a dun'e su boet!




Pareha turista burachi cu a kap taira di auto na acera a keda deteni

Diasabra madruga a drenta informe di cu un auto a yega na e pomp station na Palm Beach cu un wiel riba riem.

Algun bon samaritano a bay pa yuda e pareha cambia e tire pero net polis a yega y a bay atende cu nan. Polis a nota cu e chauffeur lo a dal e tire na un acera y a kap esaki. Ademas a nota cu e dama tambe ta basta burachi y cu ora a yama taxi esaki a nenga pasobra taxinan no ta permiti pa ley pa transporta hendenan burachi.

No a keda nada otro cu polis detene e pareha aki pa nan pasa e anochi den un cel na warda di polis na Shaba.



Hoben a haya problema cu un familiar den auto y a bula afo

Diasabra madruga a drenta informe di cu algun habitante a tende poco desordo den nan cura di cas na Boroncana, mesora a dirigi un patruya na e sitio.

Na yegada di e patruya a bin compronde cu aki ta trata di un hoben cu tabata den auto cu su ruman nan a discuti y e ruman a rabia y a bula for di e auto durante coremento el a bula drenta cura di cas ahenao bao gritamento y a habitantenan a spanta. E hoben cu a bula for di auto a resulta herida pero no tabata desea atencion di ambulance. Polis a papia cu e habitantenan y a tranquilisa nan. E familiar a bolbe na e sitio y a conta e polisnan mesun cos cu e ruman a declara. Polis a hala nan atencion pa locual a sosode.



Accidente cu hende herida na Piedra Plat

Diasabra mainta a drenta informe di un accidente cu hende herida na Piedra Plat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Toyota Vitz a bay bira pero e chauffeur di e Toyota Corolla su tras no a ripara y a bay dal fuertemente tras di e Vitz lagando e dama chauffeur herida. Na yegada di e ambulance nan a atende e dama levemente herida cu sla na nek y curpa.

Recherchenan cu un entrada hudicial pa detene un sospechoso busca na Tanki Flip

Diasabra mainta un team di recherche trahando riba un caso importante a presenta na un adres na Tanki Flip pa asina detene un sospechoso busca na conexion cu un caso bao investigacion.

Na nan yegada nan a detene y a bay na nan oficina pa inicia cu nan interrogacion.



Polis a detene un sospechoso den Havenstraat



Diasabra atardi durante patruya den Havenstraat polis a topa cu un sospechoso di un caso di maltrato.

Mesora a pidi e vehiculo di transporte mientras a bay detene e sospechoso unabes deteni a hib'e na warda di recherche.

Polis a bay tras di chauffeur cu luznan di auto paga



Diasabra madrugada ora cu polisnan a bay pa atende un problema entre un dama y 2 homber, polisnan ta mira un auto a core sali bay cu luznan paga direccion hotelnan.

Polis pensando cu aki por ta esnan di e problema y a bay nan tras. Cu sirena y luznan blauw polis a bay tras di e auto y a logra par'e na altura di Solemare na Palm Beach. Polis a atende e chauffeur y a logra saca afo cu e no tin nada di haber den e problema. Polis a hala su atencion pa core cu su luznan paga el a declara cu e no a ripara polis a atende riba e asunto ey y despues e auto por a sigui su caminda.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 5 april om 10:00 uur 's-morgens in het Auditorium van de Kamer van Koophandel en Nijverheid te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

het recht van erfpacht tot 1 september 2055 op een perceel domeingrond, groot eenduizend zeshonderd acht vierkante meter (1.608 m²), gelegen te Eagle in Aruba, kadastraal bekend als **Eerste Afdeling Sectie K nummer 2601**, met het daarop gebouwde appartementencomplex en verder toebehoren, plaatselijk bekend als :

SCHOTLANDSTRAAT 48

Inzetprijs: Afl. 3.440.000,-

- Een ieder kan een onherroepelijk en onvoorwaardelijk onderhands bod uitbrengen tot uiterlijk **donderdag 21 maart 2024** ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com Het formulier is op de website www.newleafaruba.com verkrijgbaar.

- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com



Accidente cu hende herida pa falta di preferencia na e rotonde Balashi banda di ex-Drive Inn

Diasabra atardi a drenta informe di un accidente cu hende herida na e rotonde Balashi banda di Drive Inn, mesora a dirigi

tanto polis como ambulance na e sitio.

Na yegada di e patruya a bin compronde cu aki ta trata di

un accidente pa falta di preferencia. Na yegada di e ambulance a atende e victima y a transporte pa hospital.

Un sospechoso deteni despues di a “crank” e arma di candela na Bushiri



Diasabra atardi a drenta informe di un caso di menasa na Bushiri Residence, mesora a dirigi varios patruya den e area.

Na yegada di e patruya a bin compronde cu algun hoben a yega na un cas na Bushiri Residences y a menasa un persona ademas a saca e arma y a “crank” esaki, pero na e momentonan ey nan a bay caba den un Toyota Tercel patruyanan a cuminsa busca rond mientras tabata papiando cu e victima. Polisnan a bay na un adres na Madiki unda eynan a logra haya un di e sospechosonan y nan a detene.

Polis a detene chauffeur indocumenta coriendo auto sin rijbewijs y bao influencia



Diasabra anochi un oficial di e brigada motorisa a nota un auto coriendo malo riba e caminda di Paradera y a dun’e señal pa para pero despues a sigui core pero e oficial a logra bloki’e y a bay atende cune.

A bin resulta cu e chauffeur ta bao influencia di alcohol y no tin permiso pa ta na Aruba ni tin rijbewijs polis a deten’e y despues pas’e pa Guarda Nos Costa pa asina tramita su expulsion y deportacion.

Polis di Oranjestad a logra detene tata cu ta maltrata su pareha y 2 yiu



Diasabra anochi a drenta informe di cu tin un homber cu ta maltrata su pareha y yiu na Santa Cruz, mesora a dirigi un patruya na e sitio.

Na yegada di e patruya a bin compronde cu e homber ta bayendo cu su pareha y e yiu den un Nissan Sentra sin number ni dilanti ni patras direccion pabao. E patruya a emiti e informe aki pa e otro patruyanan riba caya. Na e mesun momento un patruya na Tarabana a capta e mensahe y a para e auto aki y a detene e chauffeur mientras e mama cu e 2 yunan a haya un lift pa cas.

Gobierno Frances a bisa cu ta bao menasa di atakenan intenso

(AP)—E gobierno Frances a bisa dialuna cu varios di su servicionan ta bao menasa pa cyberatakenan di “intensidad sin precedente,” y un centro di crisis special a ser activa pa restaura servicionan online.

E oficina di prome minister Gabriel Attal a bisa den un declaracion cu e atakenan a cuminsa diasabra anochi y a dal varios ministerio gubernamental, sin provee mas detaye. Pa dialuna atardi, el a bisa, “e impacto di e atakenan a ser reduci pa mayoria servicio y a logra haya acceso na varios website gubernamental.”

Un grupo di hacker yama Anonymous Sudan, cual ta



considera pa expertonan di cybersiguridad como pro-Rusia, a tuma responsabilidad pa e atakenan den publicacionnan online. E oficina di e prome minister Frances

y agencia di siguridad digital no kier comenta riba e declaracion, of provee detaye di kico a ser atake of ki daño esaki a causa.

Un oficial Frances a bisa cu

tabatin atakenan di nenga servicio, un tipo di cyberatake comun cu ta involvi yendo website cu data pa asina haci e trafico di e website mas druk y bah'e offline. E gobierno

di Francia a haci un empuhe pa mehora defensasnan cyber prome cu e Weganan Olimpico na Paris e verano aki y despues di dañu atakenan di ransomware den e ultimo añanan, incluyendo riba hospitalnan na 2021.

E gobierno Frances a acusa Rusia di opera un campaña di manipulacion online contra e apoyadonan den west di Ucrania, incluyendo por medio di copa e website di e Ministerio di Asunto den Exterior Frances, entre otro metodo. Presidente Emmanuel Macron a tuma un posicion streng conta Moscu y e guera cu presidente Ruso Vladimir Putin a cuminsa na Ucrania.

Hulanda hala atras riba nan palabra; lo vota contra Nature Restoration Law di UE

(NLTimes)—Hulanda lo vota en contra di e Ley di Restauracion di Naturalesa di Union Europeo (EU) ora esaki ser publica y presenta den e Consejo Europeo otro luna, segun e minister di naturalesa Christianne van der Wall a bisa dialuna. El a plania inicialmente pa vota en favor di e ley na e reunion di 12 di april. Siman pasa, un mayoria den parlamento a adopta un mocion for di BBB y NSC yamando pa e vota en contra di e ley.

E ley di EU lo obliga estado miembronan restaura mas habitatnan natural por medio di logra varios metanan especifica pa 2030, 2040 y 2050. Plannan asina por costa Hulanda dies bion di euro durante e proximo 25 añanan, pero e calidad mehora di naturalesa probablemente lo trece mas ganashi ainda, segun un investigacion siman pasa. E propuesta a ser introduci pa Frans Timmermans ora e tabata un notario di e organisacion.

Van der Wal a bisa dia 1 di maart cu e kier a muestra cu Hulanda ta un partner di negociacion confiabel como cu compromisonan a ser haci den pasado cual ta faborisa e Hulandesnan. Ademas, el a bisa cu ta anticipa cu e regulacion lo ser aproba pasobra un mayoria di e 27 estado miembro ta apoya e ley di restauracion.


Despues Tweede Kamer a debati un mocion for di Caroline van der Plas (BBB) y Rosanne Hertzberger (NSC) haciendo un yamado pa e gabinete retrocede riba su posicion. Ora nan a pone e mocion dilanti, el a causa hopi frustracion entre parlamentarionan, algun di nan bisando cu ta trempa ainda pasobra Tweede Kamer no a debati e investigacion den e consecucionan di e legislacion. Asina mes esaki a gana un voto di mayoria dia 5 di maart.

E gabinete lo implementa e mocion di Tweede Kamer, e minister demisionario a skirbi den un carta pa parlamento dialuna. “Esaki ta nifica cu e gabinete lo vota contra e Nature Restoration Law, cu un nota splicatorio reconociendo e extento cu cual Hulanda a cumpli,” el a bisa. Van der Wal ta preocupa cu un voto en contra por dañu e posicion Hulandes riba asuntonan cu ainda ta den negociacion. El a reconoce previamente cu

e ley ta “hopi desafiante,” y a bisa cu e lo tin un “efecto mayor riba Hulanda.”

E leyman a ser adopta dia 27 februari pa e parlamento Europeo cu un voto di 329-275. Di e 29 miembronan Hulandes den e parlamento Europeo, 13 a vota pa, 13 conta, y tres no a vota. E asunto a hasta resulta den algun parlamentarionan di Hulanda kibra di nan grupo politico. Miembronan di CDA a para cu e People’s Party Europeo y a cota contra e medida, pero Anja Haga, ken ta representa Christen Unie den e mesun grupo, a vota en favor.

Pero un mayoria den Tweede Kamer ta kere cu Hulanda lo no por logra e metanan di e Nature Restoration Law. E ta yama pa e restauracion di 30% di habitante den condicion pober pa 2030, 60% pa 2040 y 90% 2050. Timmermans a bandona su posicion como notario Europeo aña pasa pa lidera e fraccion di GroenLinks-PvdA den Tweede Kamer.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 5 april 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

Een woonhuis plaatselijk bekend als

SEROE PATRISHI 340

staande op het recht van erfpacht tot 27 augustus 2062 op een perceel domeingrond groot 142 m2 gelegen te Seroe Patrishi in Aruba, kadastraal bekend als Eerste Afdeling Sectie P nummer 3417

Richtprijs: Afl. 143.000,--

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 21 maart 2024 ten kantore van NewLeaf Notary, J.E. Irausquin Boulevard 22 te Aruba, of via email: auction@newleafaruba.com verkrijgbaar.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Massa demandando F1 y FIA pa accidente cu e ta bisa a cost'e e titulo di 2008

(AP) — Ex-piloto Felipe Massa a bisa cu el a entrega un demanda na Londres contra cuerpo gobernante di careda di motor, FIA, doño di e serie Formula One Management, y Bernie Ecclestone pa purba di reclama e titulo di 2008.

Massa a agrega ayera cu e tambe tabata buscando un minimo di \$82 milyon den daños, segun un documento obteni pa AP ta mustra. E suma aki ta inclui placa di premio cu el a perde y otro potencial acuerdo cu e lo a obtene como campeón di F1. Massa a alega desde añu pasa



cu e ta e campeón "legítimo" di 2008 pa motibo di e incidente conoci como "Crashgate." E Brasileiro di 42 años di edad, kende nunca a gana e campeonato di piloto, tabata

finalista tras di Lewis Hamilton pa un punto.

Ex-piloto di Ferrari y Williams, Massa a bisa den un declaracion cu su caso lo haya audiencia na e Division King's Bench di High Court. Su decision a yega despues di lunas di stapnan preparatorio cu a inclui su abogadoonan pidiendo cuerponan di careda pa contesta na su acusacionnan publico di violacion di contract.

Su acusacionnan ta relaciona na e Grand Prix Singapur 2008, unda Nelson Piquet Jr. intencionalmente a boks pa yuda su compañero di team

Renault e tempo ey, Fernando Alonso, gana e careda.

Team Renault eventualmente a ricibi castigo, pero e resultado a keda den e di 15 careda di un total di 18 e añu ey. Massa nunca a yega mas cerca di e titulo.

Añu pasa, ex-hefe di F1, Ecclestone a bisa den un entrevista cu website F1 Insider cu el a haya sa den transcurso di 2008 cu Piquet Jr. a boks intencionalmente. El a agrega cu el a scoge pa no investiga e incidente te cu fin di e temporada, ora tabata demasiado laat pa cambia e clasificacion.

Rico Verhoeven ta bolbe gana torneo di kickboxing

(NLTimes) — Rico Verhoeven tabatin miedo cu e no lo ta victorioso prome cu e Glory Grand Prix pa heavyweight. Pero despues di dos victoria facil contra e Frances, Sofian Laidouni y Nabil Khachab, naci na Amersfoort pero representando Maroco, el a derota su compatriota Levi Ritgers den e dos ronda final.



Asina e victoria final y premio di mey milyon dollar a bay, manera spera, pa Verhoeven, kende ta campeón mundial pa dies añu sin interupcion. "Ya mi a horna e bolo ey," el a bisa tiki despues di un bataya final espectacular. "Pero awo por pone icing. Afortunadamente, mi no a sufrí un

lesion mahos na caminda pa e final. Esey ta posible den un torneo asina."

Verhoeven tabata parce di ta na caminda pa un victoria facil contra Ritger, 28, considera pa hopi como e "Prins di Kickboxing. El a knock down su oponente dos biaha

den e prome ronda. Pero den e segundo, Verhoeven diripiente a cay. El a tambalia pa un momento, pero a recupera rapidamente. Verhoeven a knock down Rigters dos biaha despues di esey, cu tabata suficiente pa e victoria.

Tabata manera antaño den

un Gelredome bon yen. Riba peticion di cantidad di fanatico, Glory finalmente a dicidi pa organisa un torneo, siguiendo e ehempel excelente di K1 cu tabatin su dianan di gloria na Tokyo pa fin di ultimo siglo y comienso di esun actual. Ocho heavyweight a topa otro den quart final, y e dos kickboxer a bringa den e final.

E field di Grand Prix tabatin menos calidad cu e K1, unda Peter Aerts, Ernesto Hoost, Semmy Schilt, Remy Bonjasky y un Badr Hari jong a bringa otro. Un potencial contendiente, e Croata, Antonio Plazibat, a retira, igual cu Jamal Ben Saddik. E Marocano Belga tabata presente na Arnhem. El a para den

skina di Khachab y a purba di scop Verhoeven despues di su victoria contra e Marocano Hulandes.

Verhoeven tabata kier a bringa su archi-rival, kende ya a scupi den su cara durante un staredown na 2017. Pero guardianan di seguridad a preveni esaki. "El a scop den mi direccion," Verhoeven a bisa. "Mi a gana claramente. Y despues e ta bin back den ring. Mester prohibi e homber aki for di e sport aki. E ta inacceptable."

Rigters tabatin un test dificil den su semi-final contra Bahram Rajabzadeh di Azerbaijan. "Ainda mi tabata sinti e pelea ey den e final," el a bisa.

Test di droga mas estricto prome cu Olimpiada di Paris ordena pa atletanan di atletismo di cuatro pais

(AP) — Atletanan di atletismo di Brazil, Ecuador, Peru y Portugal ta bay ricibi un test mas frecuentemente prome cu Olimpiada di Paris pa motibo di e programanan anti-doping substandard na cas, segun investigadornan di e deporte a bisa ayera.

Cada pais a faya di tende advertencia despues di campeonato mundial 2022 na Eugene, Oregon, pa mehora test sin aviso prome cu e edicion 2023, segun Unidad di Integridad den Atletismo (AIU na Ingles) a bisa, refiriendo na e test enfoca riba nacion como "sin precedente."

"Tur cuatro a faya di sigura cu tabata testing proporcio-

nal (fuera di competencia) pa nan team na e siguiente campeonato mundial di atletismo na Budapest," segun AIU, cual ta considera ampliamente como e miho entre e sportnan Olimpico pa investiga doping y corrupcion.

Na mundial 2023, Ecuador y Peru cada un a bay cas cu un medaya di silver y Brazil a haya un brons. Tur den snelwandelen.

World Athletics a sostene e conseho di AIU pa atletanan no-elite di e cuatro pais ta eligible pa competi na Paris solamente si nan duna al menos tres muestra sin previo aviso den training den e 10 luna te cu dia 4 di juli. Eventonan di atletismo na Paris ta cuminsa



dia 1 di augustus.

"Den e añu Olimpico aki, nos ta confia cu esaki ta bay ta un recordatorio pa tur federacion miembro cu AIU y World Athletics ta extremadamente serio tocante sigura un

campo husto di competencia pa tur atleta," presidente di AIU, David Howman a bisa.

Ta bay existi test mas estricto pa atletanan fuera di e rango mundial top 10 den nan evento. Atletanan elite ya ta

enfoca pa AIU como probable ganadornan di medaya na campeonatonan mayor.

E investigadornan basa na Monaco a bisa cu e programa enfoca ta bay protege Olimpiada "di atletanan cu ta sali rapidamente door di e rangonan of ta produci prestacionnan sorpresa, of unda e profundidad di talento ta nifica cu e resultadonan ta impredecible."

Dos team nacional di atletismo, Republica Checo y New Zealand, tambe a ricibi advertencia tocante nan programa anti-doping despues di campeonato mundial 2022, y a ricibi elogio ayera pa "mehora nan testing dramaticamente."

Bin celebra 18 di maart na Klooster Imeldahof



Fundacion Kapel di Bethania – FKB, ta habri portanan di Klooster Imeldahof pa henter pueblo di Aruba riba ‘Dia di Himno y Bandera’ 18 di maart for di 9:00 am pa 2:00 pm. Un y tur lo tin e

turgico’. Especialmente riba e dia aki lo por haya un guia di e hobennan. Por pasa y haya informacion di e exposicion ‘Historia parokia di Noord’ y admira e Kapel di Behtania, cu ta e unico kapel di e estilo monastico cu tin na Aruba den su forma original.

Banda di esaki tambe lo tin e Bazaar unda por cumpra cos dushi, artesanian, prenda, productonan y mas. E bar y cushina lo ta bon surti, lo tin diferente platonan dushi crioyo.

Musica lo ta den encargo di amigo boluntario di FKB, Igmarr Maduro unda algun participante di e festival di ‘un canto na nos Himno’ lo haci nan presentacion. Lo tin oportunidad pa regis-



tra como boluntario pa esnan cu ta interesa pa yuda cuida y conserva e edificio monumental. Fundacion Kapel di Bethania ta invita henter pueblo di Aruba pa bin pasa un rato placentero cerca nos, disfrutando y siñando di nos historia y cultura.

posibilidad pa haya experencianan varia riba e dia di celebracion aki.

Actualmente e hobennan boluntario di FKB a traha riba un bunita exposicion temporario cu e titulo ‘Vestuario Li-

Resultado Sorteo MAART 11			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6482	1749	7492	9984
5455	5725	SUPER5	6179
9740	9666	-	5028

MERDIA	ANOCHI
<p>Sorteo # 4207</p> <p>2846</p> <p>4369</p> <p>2076</p> <p>MULTI X</p> <p>X3</p> <p>BIG 4</p> <p>Sorteo # 4207</p> <p>5962</p> <p>MULTI X</p> <p>X2</p> <p>OFF</p> <p>Sorteo # 2263</p> <p>6956</p> <p>ZODIAC</p> <p>Sorteo # 4207</p> <p>0361</p> <p>Virgo</p> <p>LUCKY 3</p> <p>Sorteo # 1081</p> <p>630</p> <p>MULTI X</p> <p>X2</p>	<p>Sorteo # 8192</p> <p>0860</p> <p>5057</p> <p>4722</p> <p>MULTI X</p> <p>X2</p> <p>BIG 4</p> <p>Sorteo # 7236</p> <p>1929</p> <p>MULTI X</p> <p>X2</p> <p>OFF</p> <p>Sorteo # 1941</p> <p>9402</p> <p>ZODIAC</p> <p>Sorteo # 5995</p> <p>6696</p> <p>Leo</p> <p>LUCKY 3</p> <p>Sorteo # 925</p> <p>192</p> <p>MULTI X</p> <p>X2</p>

<p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker Letter</p> <p>Proximo Jackpot</p> <p>110.000,-</p>
<p>Sorteo # 6413</p> <p>0 x Jackpot</p> <p>2 x Match 4</p> <p>137 x Afl 8,00</p>	<p>10-16-18-19-22</p> <p>Proximo Jackpot</p> <p>74.000,-</p>
<p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl 50,00</p> <p>0 x Afl.15,00</p>	<p>Mega Ball</p> <p>Proximo Jackpot</p> <p>260.000,-</p>
<p>Sorteo #</p>	<p>Afl. 360.000,-</p>

<p>Sorteo #</p>	
-----------------	--

Aruba Doet 2024 ta cla pa cuminsa

Diabierna y diasabra dia 15 y 16 di maart 2024 lo tuma luga e di 12 edicion di Aruba DOET! Un iniciativa di CEDE Aruba den cooperacion cu Oranje Fonds, unda organisacionnan social y boluntarianan ta bini hunto pa haci trabou pa of actividadnan social cu un grupo di interes.

Aruba DOET tin e aña aki un total di 172 proyecto cu mester di 3.500 boluntario. Actualmente tin mas cu 3.000 boluntario cu a registra caba, pero ainda mester di hopi boluntario pa por realisa tur e proyectonan aki. Ainda tin posibilidad pa registra via e website arubadoet.com.

Pa e apertura oficial, Aruba DOET ta invita bo pa e proyecto social di Stichting Schouwburg Aruba na Cas di Cultura. Nan ta organisa un proyecto social cu un concierto di the Blue Mermens, un sing along y tambe algun surprise acts! E apertura oficial lo tuma luga un dia prome cu Aruba Doet, locual ta diahuebs, 14 di maart 2024. Porta ta habri di 6:30pm y entrada ta gratis. Reserva bo luga via e-mail:

info@casdicultura.aw.
Aruba Doet ta invita esunnan cu no a registra ainda, pa bishita e website www.arubadoet.com pa mira y registra pa un di 172 proyectonan of pa cualquier di e siguiente proyectonan cu <n un gran necesidad ainda na boluntarianan:

- ViperStrong (Fundacion pa Conscientisa Hubentud)
- Pasadia Infantil Te Aworo
- Centro di Bario Tanki Leendert
- Stichting Centrum Sabana Grandi Softball Organization
- Stichting The Goat Aruba
- SV Racing Club Aruba
- De Schatkest Peuterschool en Naschoolse Opgang
- Gihac tang soo do y gymnastics stichting
- Scout Groep Baden Powell
- Fundacion Grupo Scout Cacique
- Colegio EPI

ARUBADOET.COM | CEDE ARUBA | Oranje Fonds

Otro siman diabierna y diasabra nos tin e di 12 edicion di Aruba Doet. Ainda nos ta falta boluntario.

E proyectonan cu necesidad mas grandi ta:

Nombre di organizacion	Descripcion di proyecto	Link di proyecto	Dia	Orario	Bara (Boluntario cu falta)
Agroturismo	Wef y caba mola y yuca! hola	https://www.arubadoet.com/soort/2056	Friday	4PM-7PM	1
Paradise Island Te Aworo	Tata caba nos core y daga pa dagaun insalubri salubri goso.	https://www.arubadoet.com/soort/2067	Saturday	9AM-3PM	8
Centro di Bario Tanki Leendert	Bo caba nos wif nos maza y shona	https://www.arubadoet.com/soort/1539	Saturday	9AM-4PM	10
Stichting Centrum Sabana Grandi Softball Organization	Campaña publico, chaga med y cambio che di dia	https://www.arubadoet.com/soort/1533	Saturday	9AM-3PM	16
Stichting The Goat Aruba	Wef na nos baha y baha nos maza	https://www.arubadoet.com/soort/1522	Saturday	9AM-3PM	14
SV Racing Club Aruba	Tata nos wif bal wif	https://www.arubadoet.com/soort/1530	Saturday	9AM-3PM	11
Stichting Peuterschool en Naschoolse Opgang	Tata nos wif bal wif	https://www.arubadoet.com/soort/1631	Saturday	9AM-3PM	7
Agroturismo	Tata planta nos maza nan paden	https://www.arubadoet.com/soort/2065	Saturday	9AM-3PM	8
Agroturismo	Tata nos dushi nos spijetnan	https://www.arubadoet.com/soort/2064	Saturday	9AM-3PM	8
Other Tang Soo Do y Gymnastics Stichting	Wef na nos maza pa wif pa nos maza	https://www.arubadoet.com/soort/2059	Saturday	9AM-3PM	15
Social Group Baden Powell	Wif e maza med. Insalubri hantunan na dagaun	https://www.arubadoet.com/soort/2011	Saturday	9AM-3PM	16
Fundacion Grupo Scout Cacique	Wef y planta nos baha maza pa e scolnan	https://www.arubadoet.com/soort/1637	Saturday	9AM-12PM	9
Colegio EPI	E baha nos di daga maza pa wif pa wif	https://www.arubadoet.com/soort/1996	Friday	9AM-11AM	5
Colegio EPI (out school) y Servicio	Tata nos planta maza med di daga	https://www.arubadoet.com/soort/1992	Friday	9AM-11AM	5



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Paradera San Nicolas
Tel. 588 6638 Tel. 584 4833
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

YMCA

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Celebracion 18 di maart 2024 lo ta grandi na Piedra Plat

5 organisacion ta uni pa haci e evento grandi aki. C.B. Piedra Plat, Centro Famia Piedra Plat, Fundacion Car-Ritmo, SV Britannia y Roller Skate Aruba.

Lo tin un programa cu lo deleita grandi y chikito, cuminsando for di 9or di mainta cu un koffie morgen y weganan di futbol pa mucha, tentnan cu benta di artesanian, cos dushi, Pasa boca crioyo, mata y mucho mas. Tambe lo tin apertura di un speeltuyn nobo cu dino jump pa e muchanan y weganan popular pa tur edad y lo tin un espacio apart pa practica roller skate pa mucha y adulto.

Pa 12or di merdia cushinanan lo ta habri cu benta di cuminda crioyo y cu diferente otro tipo di cumindanan. E bar lo ta habri for di 9or di mainta. Show cultural ta cuminsa 1:00pm. cu diferente bandanan musical y bailenan folklorico. Lo tin tentnan grandi pa sinta come y disfruta di e show cultural.

Pa 4:30pm lo tin e famoso balansamento di auto cu chens pa gana premionan. E actividad completo lo tuma lugar ariba e parkeerplaats di C.B. Piedra Plat/CDFB y lo termina pa 6:00 PM.


Nos ta invita e pueblo di Aruba en general y tur e habitantenan di e bario di Piedra Plat y vecindario pa bin celebra y disfruta nos dia di Himno y Bandera 18 di maart 2024. Den nos bario. Aruba ta nos baranca stima.



Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla sin awasero di importancia



Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
UV index: 10

Bahada di solo : 6:50 pm
Subida di solo : 6:49 am

Biento:

Moderate te basta fuerte for di direccionnan generalmente oost;
Forsa 4 te 5 (20 te 39 km/ora, 11 te 21 nudo).
Den dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo).

Situacion general di tempo pa proximo 24 ora:

Durante proximo 24 ora no ta spera cambianan den e tipo di clima cu tin actualmente. E extension di un area di presion halto cu centro riba Atlantico lo sigui domina e clima manteniendo esaki generalmente seco.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noordwest di costa: generalmente modera cu olanan di 4 pa 5, localmente 6 pia.


TA BUSCA

CM Cooling Mechanic & General Services ta busca "Koelmonteur"
Por jama na
Tel.593-3327

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33



Cu honda pena, pero conforme cu voluntad di Dios, nos ta participa falcimiento di nos mama, wela, bisawela y tanta stima:

Sra. Edith Elvira Ponson-Fawcett

mihor conosi como 'NENA PONSON'
*01-11-1936 †03-03-2024
Viuda di Herman E. Ponson 'MANCHITO'

Su hende nan stima:
Vivian y Cor Storm-Croes
Monique van der Horn y Jofren Krosendijk
Joccan, Joey, Joa y Elise
Marjolein y Eugene de Zwart-Storm
Nathan, Carmen, Raph y Lenn
Angelique van der Horn y Andre Croes
Ilajay, Alexander y Jacob
Carlos F. (Fanfito) Croes
Carlos y Katie y yunan
Luz y Bart
Paola y Maas
Kevin
Mildred y Bart Guliger-Croes
Miriam Croes
Pedro C. (Carlito) Croes
Eddy Croes

Ayudante stima: Maria (Mary) Eugenia.

Demas famia na: Colombia, Merca, Hulanda, Brazil y Francia.

Su amiganan stima: Fanny, Helen, Emperatriz, Nuhad, Mildred, Evelina R., Trina, Celsa, Olivia, Maybeline, Carolina, Neke, Evelina H., Femmy, Elivia y Anna.

Tur su amiganan di Women's Club of Aruba. Atención y cariño duna di Trinity Quality Care Service

Demas famia: Fawcett, Ponson, Ruiz, van der Horn, Storm, Croes, Krosendijk, van der Linden, de Lima, Wever y van Romondt.

Nos disculpa si den nos tristeza nos por a lubida di menciona un of otro famia y conocer.

Ta invita pa acto di condolencia cu lo tuma lugar dialuna 11 di maart na Royal Funeral Home di 7:00 pa 9:00 di anochi.

Acto di despedida lo tuma lugar diamars 12 di maart 2:00 pa 4:00 di atardi na Royal Funeral Home despues lo sali pa Santana Protestant na Playa.

Aurora
Royal Pray
Funeral Home & Crematory

Ma Abo ta Esun cu a sakami for di barika di mi mama; Bo a hasimi confia tempu cu mi tabata na pachu di mi mama. For di mi nasemento mi a wordo entrega na Bo; for di den barika di mi mama Bo tabata mi Dios.
Salmo 22: 9-10



Cu profundo tristeza na nos curason nos ta anuncia fayecimento di nos ser stima stima:

Mia Marianne Geerman
*27-12-2023 - †09-03-2024

Acto di entiero lo wordo anuncia despues

Aurora
Royal Pray
Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den Bo brazo
Ya no tin scuridad
Unicamente Bo Luz bryando



Cu profundo tristesa na nos curason pero conforme cu boluntad di Dios nos ta anuncia fayecimento cristianamente di:

Felephina Maria Tromp

Mihor conoci como 'Pechi'
*23 augustus 1926 - †06 maart 2024

Na number di su:
Rumannan:
†Felix y Maria Tromp-Tromp y yunan
†Dominico Tromp "Shonco"
†Guillermo Tromp y yunan
†Cecilio Tromp y †Edwina Krosendijk-Tromp y yunan
†Reynaldo Tromp
Rafael Tromp y †Estela Tromp-Farro y yunan
Heraclea Giel-Tromp "Graciela/Comer" y †Mario Giel y yunan

Na tur su primo y primanan, sobrino y sobrinanan, ihanan, comer y compernan, cuñanan, bisiaña y conocirnan y demas famia: Kelly, Tromp, Giel, Irausquin, Werleman, Perez-Zarate, Braafhart, Hawkins, DeLanooi, Krosendijk, Henriquez, Florianus, Scoop, Martis, Plaatje, Croes, Stewart, Lodoño, Ruiz, Kock, Jones, Loeffstop Na su ayudantenan cu a cuide na cas: Wendy, Zhenia, Monique y na Stichting Thuiszorg na Jaburibari.

Nos ta invita tur famia y conocirnan pa asisti na e acto di entiero cual lo tuma lugar na Misa Sta. Filomena na Paradera diabierna 15 di maart 2024, di 12'or pa 4'or di atardi. Despues lo sali pa Santana Catolico na Paradera.

Nos disculpa si den nos tristesa nos por a lubida di menshona un of otro number di famia y of amistad, nos ta lamenta cu despues di entiero nos no por ricibi bishita na cas.

Aurora
Royal Pray
Funeral Home & Crematory

"No tene miedo, pasobra Mi ta ku bo; no desmayá, pasobra Mi ta bo Dios. Lo Mi fortalecébo, sí, lo Mi yudabo, sí, lo Mi sostenébo Ku Mi man drechi di hustisia "
Isaías 41:10



Cu inmenso dolor na nos curason nos ta anuncia fayecimento di:

Rud-Jay Joshua Ras
*04 juli 2022 - †03 maart 2024

Na number di su:
Mayornan: Rudwyn y Emilayne Ras

Wela y welo: Francis Maduro
Rudy y Sharonne Ras
Erica Dubero y Edmar Gietel
Oswald y Nancy Quandus

Mescos wela y welo: Daniel y Edna Kelly

Bisawela y bisawelo: †Maximon y †Brunetta Ras
Robert Maduro
Norma Ras y Guillermo Garcia
Hortencia y Diego Vrolijk
Pedro y Felicia Quandus

Tanta y omonan: Rudlyn Ras y Wendy Dirks
Daislenne y Jesus Orman
Marykay Quandus
Zion Dubero
Staycey Quandus
Maurice Quandus

Prima: Amelia Ras

Tanta y omo grandinan.
Demas famia: Ras, Maduro, Dubero, Quandus, Kelly, Solognier, Pichardo, Hous, Laclé, Chung, Tromp, Hock, Koolman, Ridderstaat, Jacobs, Robles de Medina
Acto di entiero ta tuma lugar diamars 12 di maart 2024 di 9:00 pa 10:00 na Aurora Funeral Hom, despues lo sali pa Santana catolico Pastoor Kraanwinkel na Paradera.

Aurora
Royal Pray
Funeral Home & Crematory

"Señor ta mi wardador, min tin falta di nada Den cunucu di yerba berde e ta ponemi sosega. E ta hibami na awa tranquil, Pa mi bolbe haña forsa."
Salmo: 23



Cu onda pena, pero conforme cu boluntad di Dios nos ta anuncia cu a fayece cristianamente:

HOSE FIGAROA

Mihor conoci como 'Jo', 'Joker' of 'Pajo'
*02-11-1929 †08-03-2024

Na number di su
Casa:
Marianne Figaroa-Maduro

Yunan:
Hose G. (Jomar) Figaroa
Joanne Figaroa y Dino Erasmus

Nieto y nietanan:
Kaylie Figaroa, Coralie Erasmus, Kai Erasmus, Ava Figaroa, Liam Figaroa

Mayornan:
† Serafino M. y † Maria R. Figaroa-Tromp

Rumannan:
† Juan Figaroa
Maria y † Guus Jacobson y yunan
† Lorenza Figaroa
† Catharina y † Ben Jansen y yunan
Pedro y Emy Figaroa-Jansen y yunan
Canisia y † Eloy Scharbaay y yunan
† Carlos y Maria Figaroa-Cardona y yiu
Teresita y Juan Robles de Medina y yiu
† Filo y Nilda Figaroa-Jansen y yiu
† Gregorio Figaroa

Swa y cuñanan:
† Clotilda Maduro y † Mario Dijkhoff-Maduro y yunan
Edwin y Nicha Maduro-Barros y yunan
Cecilia y Mariano Angel-Maduro y yunan
Vallita y Michael Hoo-Maduro y yunan
Glenn y Judith Maduro-Dirks y yunan

Ayudantenan:
Coleta Zschuschen
Eunices 'Titi' Delpino

Tur sobrino/sobrino, primo/prima, comer/comper, amigonan, conocer y demas famia: Figaroa, Maduro, Erasmus, Solognier, Tromp, Jacobson, Jansen, Scharbaay, Cardona, Robles de Medina, Dijkhoff, Barros, Angel, Hoo, Dirks, Semeleer, Jacobs, Lejuez, Thiel, Nadall, Oduber, Sheffer, Zorich.

Ta invita pa acto di entiero cual ta tuma lugar na Aurora Funeral Home, 13 di maart 2024 di 2or pa 4or di atardi, despues saliendo pa Santana Catolico na Noord.

Nos ta lamenta cu despues di entiero nos no por ricibi bishita di condolencia na cas.
Nos ta pidi disculpa si den nos tristeza nos por a lubida un of otro famia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33



Cu dolor na nos curason, nos ta participa fayecimento di nos ser stima:

Sr. Rosimbo Werleman

Mihor conoci com "Ronny of Oi"
*06-05-1959 - †09-03-2024

Acto di entiero lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu honda pena pero conforme cu boluntad di Dios y agradecido pa tur e felicidad cu e la comparti cu nos, nos ta anuncia fayecimento di nos tata, abuelo, ruman y omo stima:



Jacobo Bautista Arends

*22 Augustus 1949 – †8 Maart 2024

Na number di su:

Yiunan: Darinka & †Joy Laclé-Arends
Darienne Arends y Gino Schwengle

Nietonan Kami Laclé
Mila Laclé
Jake Schwengle

Rumannan
†Erica & Ruben Mansur Arends
†Albert "Boei" & Sarah Arends-Mansur
†Astrid Arends
Robert "Bob" Arends
†Farida Arends
Gladys Arends
Madeline & Miguel Mansur-Arends
†Rene Arends

Sobrinonan:
Eric, Ilienne, Bincho, Carlo, Izaira, Dr. Eric, Damia, Elias, Miguel Jose, Mirzah, Melina, Rene Louis, Gislaïne "Thais", Ramsis.

Mama di su yiunan: Lilly Arends y familia

Amigonan for life: Chinto Wever
Yvette Dijkhoff
Rina Croes

Ayudante: Amira

Ihanan, primo- y primanan, amigonan, y demas familia ta invita pa e acto di entierro cual lo tuma lugar diaranson 13 Maart 2024 pa 4'or di atardi saliendo for di Bachstraat 9 pa Santana Catolico na Oranjestad. Oportunidad pa condoleer ta for di 10'or di mainta na Bachstraat 9.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios. Maske mi no ta na e mundo aki, tur dia lo mi ta banda di boso Curason, mi por stens di loke Señor ta hasi"
Salmo 33

Cu hopi tristesa na nos curason, pero conforme cu boluntad di Dios, nos ta anuncia fayecimento di nos; Pintor, Compositor, Cantante, Poëta, Escritor, Chef, Yiu, Ruman, Esposo, Tata, Abuelo, Bisabuelo;



Joannes Donati

Conoci como 'Donati', 'Bubu' of 'Janchi'
* 14 - 05 - 1931 - † 06 - 03 - 2024

Na number di su casa: Catharina E. Donati - Kelly

Yiunan: Shirley (RIB) Donati & yiunan
Sherwin Donati & Frida Helder & yiunan
Joanne & Derwin Tromp - Donati & yiu

Mayoran: † Jacinto & † Armonica Donati - Geerman

Stima mescos Yiu: Mayra Donati & Famia
Reggie Donati & Famia
Magalie Donati & Famia
Jessica v/d Kamp & Famia
Debbie Boekhoudt
Janina (Inche) Boekhoudt & Famia
Gianna Boekhoudt & Famia

Nieto(a) & Bisanieta(a):
Shurella - Tessaly - Shahairo - Sheila - Urbine - Aldwin - Omar
Sherwin jr. - Jowensley (Joey) su Compay.
Josiah - Kyrie - Jeriël - Gillianne - Jodi - Akon - Uriel Jael - Axel
Giomar - Giandra - Neytan - Joavently - Jonairo - Jaeda.

Rumanan:
† Elisabeth & † Mariano "Wawa" Petrocchi - Donati & Famia
† Veronica & † Theo Dubois - Donati
† Marcelino Donati
Jose & † Susita "Lulu" Donati - Geerman & Famia
Louisa & † Juan Maduro - Donati & Famia
Simon Donati & Ria Kok
Stefanita & Coby Geerman - Donati & Famia
Crescencio Donati & Tini Bakker

Suegro (a):
† Julian & † Regina Kelly - Christiaans

Swa & Cuña (nan):
Louisa & Pedro Henriquez - Kelly & Famia
Samuel & Jeanette Kelly - Chow & Famia
Aparicio & Sira Kelly - Semeleer & Famia
Cosma Kelly & Famia
Lydia & Ronald Heide - Kelly
Maria Bernadeta Kelly & Famia
Irene Kelly & Famia
Michael Kelly & Famia
† Pedro Julio Kelly

Subrino y subrinanan, primo y primanan, famianan cerca, amigonan di infancia y amigonan di cas.

Bon Bisiña: Carmen Flanegin & Famia

Un danki di curason na Hospitaal Dr. Horacio Oduber y muy especial e dokternan & team di afdeling B4.

Demas famianan: Donati - Kelly - Geerman - Tromp - Corasol - Helder - v/d Kamp - de Freitas - Williams - Ricardson - Bak - Narain - Orozco - Tellez - Boekhoudt - Petrocchi - Maduro - Dubois - Quandus - Wever - Ruiz - Wathey - Winterdaal - Oduber - Wernet - Koning - Donk - Kok - Bakker - Christiaans - Henriquez - Heide - Chow - Semeleer - Bolluijt.

Nos disculpa si den nos tristesa nos por a lubida di menciona algun number.

Ta invita pa e acto di entierro lo tuma lugar diaranson 13 di maart 2024 na Royal Funeral Home
Di 9am - 11 am, despues lo sali pa Santana Catolico Pastoor Kraanwinkel na Paradera.

Nos ta lamenta cu despues di entierro nos no por ricibi bishita di condolencia na cas.

India ta anuncia stapnan pa implementa ley di ciudadanía cu ta exclui musulman



(AP) — **Gobierno di prome minister Narendra Modi ayera a anuncia reglanan pa implementa un ley di ciudadanía di 2019 cu ta exclui musulman, algun siman prome cu e lider nacionalista Hindu ta busca un di tres termino na poder.**

Ley di Amienda di Ciudadania ta duna un fast track pa naturalisacion pa Hindu, Parsi, Sikh, Budista, Jain y Cristian cu a huy na India di mayoria Hindu for di Afghanistan, Bangladesh y Pakistan prome cu dia 31 di december 2014. E ley ta exclui musulman, cu ta un mayoria den tur tres nacion.

E ley a keda aproba pa parlamento Indio na 2019, pero gobierno di Modi a atrasa su implementacion despues di protestanan mortal na capital New Delhi y otro sitionan, cu a mira cantidad di morto den dianan di enfrentamento.

E protestanan nacional na 2019 a atrae hende di tur fe cu a bisa cu e ley ta mina e fundacion di India como un pais secular. Musulmannan tabata particularmente preocupa cu gobierno por usa e ley, combina cu un registro nacional di ciudadano proponi, pa marginalisa nan.

E Registro Nacional di Ciudadano ta parti di esfuerso di gobierno di Modi pa identifica y saca hende cu ta bisa a

yega India ilegalmente. Solamente a implementa e registro den estado nort-oriente di Assam, y e Partido Bharatiya Janata den gobierno a priminti di lansa un programa similar di verificacion di ciudadanía nacionalmente.

Gobierno di Modi a defende e ley di ciudadanía di 2019 como un gesto humanitario. Ta argumenta cu e ley tin intencion solamente pa extende ciudadanía na minorianan religioso huyendo di persecucion y cu no lo us'e contra ciudadanonan Indio.

India ta cas pa mas di 200 miyon musulman cu ta compone un grupo minoritario grandi den un mas di mas cu 1.4 biyon persona. Nan ta distribui na casi tur parti di India y ta enfoca den un serie di atake cu a tuma lugar desde cu Modi a asumi poder pa prome biaha na 2014.

Modi cada bes mas ta mix religion cu politica den un formula cu a resona profundamente cu e poblacion mayoria Hindu na India. Na januari, el a haci apertura di un tempel Hindu na e sitio di un moskee demoli na nort di ciudad Ayodhya, cumpliendo e promesa largo di su partido nacionalista Hindu.

Mayoria di encuesta ta sugeri cu Modi ta bay gana un mayoria den eleccion general, cu ta programa pa mei.

BNDIA ARUBA

Ora di **STUUR** pone bo cel abou

Blinken ta atende reunion urgente cu lidernan Caribense mientras crisis violento na Haiti ta empeora

(AP) — Secretario di Estado Mericano, Antony Blinken a reuni cu lidernan Caribense na Jamaica dialuna, den un empuhe urgente pa resolve e crisis saliendo fo'i man na Haiti, mientras presion ta aumenta riba prome minister Haitiano, Ariel Henry pa renuncia of bay di acuerdo pa un conseho transicional.



E reunion tras porta cera no a inclui Henry, kende ta lock pafo di su propio pais mientras e tabata biaha den exterior, pa motibo di aumento den disturbio y violencia di gangnan criminal cu a tuma control di mayoria di capital Haitiano y a cera su aeropuertonan internacional mayor.

Henry a keda na Puerto Rico y tabata tumando stapnan pa bolbe Haiti unbes cu ta posible, segun un declaracion breve di Departamento di Estado di e isla Mericano.

Mientras lidernan a reuni tras porta cera, Jimmy Cherizier, considera un di e lidernan di gang mas poderoso di Haiti,

a bisa reporteronan cu si comunidad internacional continua riba e caminda actual, “ta bay pusha Haiti den mas caos.”

“Nos Haitianonan mester dicidi ken ta bay ta lider di e pais y ki modelo di gobierno nos kier,” segun Cherizier, ex-polis lider di un federacion di gang conoci como Famia G9 y Aliadonan. “Nos tambe ta bay busca un manera pa saca Haiti di e miseria den cual e ta awo.”

E reunion na Jamaica tabata organisa pa miembronan di Caricom, cual pa lunas a presiona pa un gobierno

transicional na Haiti, mientras protesta na e pais a exige renuncia di Henry. “Comunidad internacional mester traha hunto cu Haitianonan den direccion pa un transicion politico pacifico,” segun Secretario Assitent pa Asunto di Hemisferio Occidental, Brian Nichols a skirbi riba X.

Preocupacion ta keda cu un solucion busca pa hopi tempo ta bay keda elusivo. Caricom a bisa den un declaracion diabierna anunciando e reunion urgente na Jamaica, cu mientras “nos ta haciendo progreso considerable, e stakeholdernan ainda no ta

unda nan mester ta.”

Prome minister di Barbados, Mia Mottley, a bisa cu hasta 90% di propuestanan cu stakeholdernan Haitiano a “a pone riba mes” ta similar. Esakinan ta inclui un “necesidad urgente” pa crea un conseho presidencial pa yuda identifica un prome minister nobo y establece un gobierno. Su comentarionan a keda transmiti en bibe brevemente pa Caricom, den loke a parce di ta un eror, y tiki despues a corta abruptamente.

E reunion a tuma lugar mientras gangnan poderoso a continua atacando obhectivonan clave di gobierno na capital Haitiano di Port-au-Prince. Desde 29 di februari, hombernan arma a kima wardanan di polis, a cera aeropuertonan internacional, y a invadi e dos prison mas grandi di e pais, liberando mas di 4mil detenido.

A mata cantidad di hende y mas cu 15mil ta sin hogar despues di huy di barionan invadi pa gangnan. Awa y cuminda ta scars mientras cantidad di puesto y tienda

bendiendo Haitianonan ta keda sin producto.

E waf principal na Port-au-Prince ta keda cera, lagando decenas di container cu sumisironan critico para.

Henry a aterisa na Puerto Rico siman pasa despues di a keda rechasa entrada den Republica Dominicana, cu ta comparti e isla di Hispaniola cu Haiti.

Conseho di Seguridad di ONU ayera a urgi e gangnan di Haiti pa “inmediatamente stop nan accionnan desestabilizador” incluyendo violencia sexual y reclutamento di mucha, y a bisa cu ta spera cu un forsa multinacional ta bay sali lo mas pronto posible pa yuda caba cu e violencia. A urgi comunidad internacional pa sostene Polis Nacional Haitiano door di sostene lansamento di e forsa.

Miembronan di e conseho tambe a expresa preocupacion pa e progreso politico limita, y a urgi tur actor politico pa permiti eleccion presidencial y legislativo liber y husto.

FBI ta tene otro inval na prison federal pa muhe di California plaga pa abuso sexual

(AP) – Investigadornan federal ayera un biaha mas a tene un buskeda den un prison pa muhe na California, confiscando computer y documento den un aparente escalacion di un investigacion di varios aña pa abuso sexual cu anteriormente a resulta den cargonan contra un ex-guardia y otro empleadonan.

Mas cu un decena di agente di FBI tabata na e Instituto Coreccional Federal na Dublin, un persona familiar cu e asunto a bisa the Associated Press. E guardia, un guardia asocia y un capitan a keda retira for di e facilidad, segun e persona kende no tabata autorisa pa papia publicamente y a hacie bao condicion di anonimato.

Por a mira agentenan di FBI cargando cahanan for di e prison, cual tabata conoci como e “club di violaciona” pa motibo di añas di abuso desenfrena di personal contra e detenidonan. FBI a confirma cu e agentenan tabata checutando un “actividad di



cumplimento di ley autorisa pa corte,” pero a nenga di duna mas detaye.

A laga un mensahe cu Bureau federal di Prison.

E inval ayera a yega dnan despues di un ola nobo di demanda civil alegando abuso na FCI Dublin y mientras un hues federal ta evalua si ta nombra un master special pa supervisa operacion di e prison. Esaki ta e nubia mas recien riba e facilidad di menor seguridad como 34km oost di Oakland.

Un investigacion di AP na 2021 a haya un cultura di abuso y cubrimiento cu a persisti pa añas na e prison, cual tin mas cu 650 detenido. E reportahe aki a conduci na

aumento di seguridad for di Congreso y promesanan di Bureau di Prison cu lo drecha problema y cambia cultura na e prison.

Al menos ocho empleado a keda acusa di abuso sexualmente di e detenidonan. Cinco a declara culpabilidad. Dos a keda condena den un huicio, y otro caso ta pendiente.

Tur actividad sexual entre un trahador di prison y un detenido ta ilegal. Empleadonan coreccional ta disfruta di poder substancial riba e detenidonan, controlando tur aspecto di nan bida desde cuminda te ora di drumi, y no tin escenario den cual un detenido por duna permiso pa actividad sexual.

E scandal ta uno di cantidad

di problema plagando e Bureau federal di Prison, cual tambe ta afecta pa escasez di empleado, suicidio y violacion di seguridad.

Ex-guardian di Dublin, Ray Garcia a keda condena na 2022 di agresion sexual di e detenidonan y di forsa nan pa posa sunu den nan cel. Fiscal a bisa cu el a purba di silencia su victimanan cu promesa cu e lo yuda nan sali trempañ, y a bisa un victima cu e tabata amigo cercano di un oficial di prison responsable pa investigacion malconducta di personal y cu e no lo por haya su retiro.

FBI a aresta Garcia na september 2021, lunanan despues di cuestion'e na e prison y listra su oficina y vehiculo. E ta cumpliendo un sentencia di seis aña den prison.

Testiguando pa su mes, Garcia a concede cu el a comete eror, pero a bisa cu algun di su supuesto crimennan – manera saca potret di detenidonan sunu – a ser haci como parti di su debnanan oficial pa documenta violacionnan di politica di prison.

Fiscalnan a rechasa esaki, yamando un teniente di prison kende a bisa cu e nunca a mira un caso unda ta apropria pa un empleado saca potret di un detenido sunu.

Entre otro empleadonan acusa di abuso sexual tabata ex-kapelaan, James Theodore Highhouse, kende a keda sentencia cu siete aña di prison despues di declara culpabilidad pa abusa un detenido den su oficina y gaña autoridad; y ex-administrador di seguridad, John Russel Bellhouse, kende a keda condena juni ultimo di abusa dos detenido.

Fiscalnan a bisa cu Bellhouse “a cuminsa expresa interes den un detenido particular y a cuminsa yama e detenido su ‘chick’” na 2020. Nan a bisa cu el a mishi e muhe inapropiadamente, y cu e muhe a haci sex oral riba Bellhouse dos biaha den oficina di seguridad di e prison. El a keda sentencia cu mas di cinco aña den prison.

Eleccion na Portugal ta laga e pais den duda pa su futuro

Pero ta reforsa e derecha radical na Europa

(AP) — Resultadonan inconcluso di eleccion general na Portugal ta nifica simannan di incertidumbre politico nan dilanti, y ta duna energia fresco na e cambio pa derecha radical na Europa.

Un aumento den sosten pa un partido populista den eleccion diadomingo a pone e derecha fuerte den curason di politica Portuguesa. E resultado preta entre e dos partido modera lider ta keda sin resolve mientras nan ta warda resultadonan decisivo di votadornan den exterior. Resultadonan oficial ta programa pa keda publica dentro di dos siman.

E ascenso di partido Chega, of Ta Basta – apenas cinco aña bieu – ta sorprendente. El a bay di 12 asiento den e Parlamento di 230 asiento den eleccion di 2022, na awo 48 asiento.

Lider di Chega, Andre Ventura a haci un causa comun cu otro partidonan radical na e continente.

Entre e invitadonan di Ventura den añanan recién tin Mat-



teo Salvini, prome minister interino di Italia y cabesante di e partido populista derechista, Liga; lider di ultraderecha Frances, Marine Le Pen; y lider di e bisñaña España su partido di ultra-derecha, Vox, Santiago Abascal.

Esaki y otro paisnan di Union Europeo ta testigo di cambianan pa derecha den nan eleccionnan mas recién.

Esaki ta preparando lineanan di bataya politico prome cu eleccion dia 6-9 di juni pa Parlamento Europeo.

Aliansa Democrata di Portugal, lidera pa e partido Social Democrata, a gana 79 asiento, mientras e centro-iskierda

Partido Socialista, cu a goberna pa ultimo ocho aña, a colecta 77 asiento. E dos partido a alterna na poder pa decadas, Partidonan chikito a bay cu e otro asientonan.

Cuatro asiento ainda mester keda distribui, cual ta bay depende riba e votonan di Portuguesnan bibando den exterior.

Tradicionalmente, e Social Democratanan y Socialistanan ta bay cu dos di e asientonan aki cada un. Pero cosnan ta diferente awo. Algun Portugues den exterior ta sostenedor di ex-presidente Mericano, Donald Trump y ex-presidente Brasileño, Jair

Bolsonaro, y nan por mira Chega como emulando nan.

Despues cu publica e resultadonan oficial, presidente Portuguesa, Marcelo Rebelo de Sousa ta bay consulta e partidonan tocante ken ta miho posiciona pa forma un gobierno.

Lider Social Democrata, Luis Montenegro ta bisa cu e no ta bay acepta un coalicion cu Chega, cual su propuestanan di politica ta desagradable pa hopi Portugues.

Ventura a bisa cu e ta prepara pa descarta algun di e propuestanan mas controversial di su partido – manera castracion kimico pa algun criminal sexual y e introduccion di sentencia di bida largo – si esaki ta permiti e inclusion di su partido den un posible aliansa den gobierno.

E matematica ta cla: si e Social Democratanan y Chega bin hunto, e partidonan di derecha ta bay tin como 135 asiento – y un mayoria den Parlamento – compara cu alrededor di 90 pa e partidonan di iskeirda.

E falta di claridad ta yega

mientras e pais di 10.3 milyon persona mester entrega biyones di euro di fondo di inversion di UE como parti di un plan di recuperacion economico.

Un editorial den diario Publico a bisa cu e resultado di eleccion tabata “un mokete den stoma” pero e daño tabata “autoinflingi” pasobra e partidonan tradicional tin mal comprension di e humor publico.

Un cantidad di scandal recién di corrupcion a mancha e Socialistanan y Social Democratanan, y Chega a campaña riba un plataforma anti-corrupcion.

Frustracion publico cu politica di semper tabata evidente prome cu e indignacion pa corrupcion. Salarionan abao y un alto costo di bida – empeora aña pasa pa aumento den inflacion y tasanen di interes – hunto cu un crisis di vivienda y fayonan den salubridad publico a contribui na e malcontento.

Presidente Polaco cu yamado pa aliadonan di NATO aumenta gasto di defensa na 3% di GDP

(AP) — Presidente Polaco ayera a haci un yamado pa otro miembronan di aliansa NATO aumenta nan gasto riba defensa na 3% di nan Producto Interno Bruto (GDP) mientras Rusia ta pone su economia riba pia di guerra y ta pusha pa continua cu su invasion di Ucrania.

Presidente Andrzej Duda a haci su yamado den comenarionan dirigi na cas y den exterior. Su apelacion a yega den bispo di un bishita na Cas Blanco, unda presidente Joe Biden ta bay ricibi tanto Duda como prome minister Polaco, Donald Tusk awe.

“Den cara di e guerra na Ucrania y e aspiracionnan imperial aumentando na Rusia, e paisnan componiendo NATO mester actua cu curashi y sin concesion,” Duda a bisa den un discurso dialuna nochi pa su nacion.

Su apelacion ta yega mientras Polonia ta marca e di 25 aniversario di su accesion na NATO hunto cu Republica Checo y Hungria, dia 12 di



maart di 1999.

“E guerra na Ucrania a demostra claramente cu Merca ta y mester keda como e lider den asuntonan di seguridad na Europa y na mundo,” Duda a bisa den su discurso na su nacion. “Sinembargo, otro paisnan di NATO tambe mester tuma responsabilidad mas grandi pa e seguridad di henter e aliansa y modernisa

intensivamente y reforsa e trupanen.”

Comentarionan di Duda ta yega riba e mesun dia cu a hisa bandera di Suecia na sede di NATO na Bruselas pa cementa su lugar como e di 32 pais miembro di e aliansa trans-Atlantico. Finlandia a join NATO aña pasa.

Paisnan miembro di NATO a

bay di acuerdo na 2014 pa reforsa nan gasto di defensa na 2% di GDP despues cu Rusia a anexa e Peninsula di Crimea for di Ucrania e aña ey, pero mayoria di miembro, incluyendo Alemania, ainda no ta cumpli cu e cantidad aki.

Sinembargo, Polonia awo ta gasta 4% di su GDP riba defensa, haciendo e e miembro cu ta gasta mas den termino di porcentahe mientras ta modernisa su ehercito, mientras Merca ta gasta mas cu 3%.

“Ambicionnan imperialistico di Rusia y su revisionismo agresivo ta pushando Moscu den un confrontacion directo cu NATO, cu Occidente y na final, cu henter e mundo liber,” Duda a bisa den un op-ed publica den The Washington Post.

Duda a bisa cu esaki ta pone Merca y Polonia den un posicion pa “lidera cu ehempel y provee un inspiracion pa otronan.”

“Federacion Ruso a move su

economia na modo di guerra. Ta alocando cerca di 30 prociento di su presupuesto anual pa arma su mes,” Duda a argumenta den e op-ed. “E cifra aki y otro datonan biniendo for di Rusia ta alarmante. Regimen di Vladimir Putin ta presenta e menasa mas grandi pa paz global desde fin di Guerra Friu.”

Administracion di Biden a sugeri cu e yamado di Duda pa aumenta e meta di gasto di defensa pa paisnan di NATO por ta, al menos pa awo, demasiado ambicioso.

“Mi ta kere e prome stap ta pa pone tur pais cumpli cu e 2%, y nos a mira mehoracion den esey,” vocero di Departamento di Estado Mericano, Matthew Miller a bisa. “Pero mi ta kere cu esey ta e prome stap prome cu nos cuminsa papia di un propuesta adicional.”

Duda ta bay bishita Bruselas pa un reunion cu secretario general di NATO, Jens Stoltenberg despues di su bishita na Merca.